

那文毅公奏議

那文毅公兩廣總督奏議卷十二目錄

卷十二

勦撫洋盜

附變通接濟洋匪並失察官處分  
覆奏 推薦 明白

那文毅公兩廣總督奏議卷十二

上海書局影印

男容安恭輯

勦撫洋盜

附變通接濟洋匪並失察官處分 明白  
覆奏 推薦

嘉慶十年四月二十日

奏為遵

旨覆奏事竊

臣

前於籌辦緝捕章程摺內以魏大斌不勝

提督之任請

旨另行簡調旋奉

諭旨署提督魏大斌據稱帶兵未見出力人亦望請旨  
降調更換現在總兵內一時無堪勝應用之且簡員

補放到粵後又恐不能得力仍著那彥成察看魏大斌  
如實不能勝任查有劣款卽行據實叅奏並該省總  
兵內遴保數員奏請簡放欽此查該署提督於上年十  
二月十六日至本年正月十六日統帶兵船四十  
餘隻在沱渰洋面遭風撞損回至省河修理查沱  
渰係內洋離省五百餘里計師船四十餘隻配駕  
兵丁二千餘名錢糧經費一月不貲署提督一月  
之久所巡不出五百里之內又不識風色以致將  
船隻撞損及修理完竣又需一月工夫如此遷延  
時日至五六七八等月又藉口夏令風暴不能開

行揆至秋令開行船隻倘又小有損壞再爲修理  
則直至冬令方可捕賊糧餉虛糜日復一日伊於  
何底水師陋習貽悞稽遲相率仿效種種可恨臣  
焦灼痛憤面飭劄催迄無功效若不將該署提督  
嚴行叅辦卽各路水師亦難望日起有功且卽以  
其才具而論其庸懦退怯之形通省文武皆知其  
不能勝任不特臣一人之見提督統轄閩省武職  
衆人表率况粵東海疆重地又值多事之時不比  
腹地營員易於稱職若因其並無別項欸稍事  
姑容不行陳奏以致將來貽悞臣亦不能自辭其

賁至粵東各鎮協臣有曾接見者又有未曾接見而文稟時時往來者大率求其可勝提督之任之人一時竟不可得謹

奏

嘉慶十年五月十二日奉

上諭那彥成奏廣東提督魏大斌不能勝任一摺魏大斌本係棄瑕錄用之員經朕格外恩施命其署理提督該省正當緝捕緊要之時自應奮勉出洋督辦捕務乃據那彥成奏稱該署提督於上年十二月內統帶兵船出洋一月之久所巡不出五百里之內且因管駕不善致

船隻遭風損壞又復藉詞修理遷延時日等語魏大斌庸懦無能實蹈水師惡習本當卽予罷斥治罪姑念水師人才難得從寬降補千總以觀後效倘再不知悔改仍前玩延必當從重治罪其廣東提督員缺著許文謨補授所遺高廉羅鎮總兵員缺著樊雄楚補授

謹按嘉慶十年五月十二日廷寄內奉

上諭據那彥成叅奏魏大斌難勝提督之任一摺提督統理一省營伍責任綦重魏大斌庸懦無能自難勝任現已明降諭旨將伊降補千總効力示懲但提督員缺緊要前經降旨令那彥成遴員保奏乃伊此次摺內又稱

無可勝提督之人豈卽懸缺不補乎今姑就那彥成單開各總兵量爲比較內許文謨一員考語較優伊前在軍營出力曾賞加提督銜是以卽將該員補放矣

嘉慶十年五月十六日會同廣東巡撫百公齡

奏爲節次拏獲外洋內河及陸路各盜匪現在提省審辦事竊查粵東海濱廣斥逼近大洋年來萑苻不靖劫掠頻聞陸路匪徒每多勾通接濟表裏爲奸以致盜風日熾臣那彥成到任後卽虛心博訪設立章程

奏定分巡分緝總巡總緝督巡督緝令各文武遵照辦



理臣百齡到任後亦卽督飭各府州縣設立緝捕  
月報會哨各口岸巡船勸諭紳耆齊心縛獻化導  
匪黨改過自新嚴防水必先防陸之條行滅賊必  
先滅糧之法數月以來續據各文武稟報孳獲外  
洋內河陸路盜賊及勾通接濟偷賣私販鉅細匪  
徒均經提省審辦但案犯旣多定讞有需時日謹  
將具報大概情形先行奏

聞據南澳鎮總兵杜魁光護左翼鎮總兵林國良署香山  
協副將許廷桂等稟報帶領兵船因李崇玉落海  
悉力窮追在東路洋面會合緝捕偵探南澳長山

尾外洋有盜船二十餘隻聯踪遊奕督率將弁兵丁協力追捕放礮擊沉盜船五隻各匪船均由黑水夷洋逃竄官兵乘勢攻擊圍拏大匪船一隻梟取盜首楊宿颺等首級三顆生擒洋盜王元順等三十四名殺賊八名割取辨記八副起獲生熟鐵礮大小八門及牌刀器械火藥旗幟等物據海口營叅將何英稟報督帶兵船在雷瓊一帶洋面巡緝至抱虎洋面奮力攻圍放礮轟擊打沉盜船二隻賊匪紛紛落水督率兵弁追近跳過賊船殺死賊匪十餘名生擒盜犯黃喜逢等二十六名口起

獲生熟鐵礮五門銅礮一門及火藥器械等物據  
護海門營叅將陳鳳高督帶營弁各駕兵船巡緝  
在於脾角洋面遇有盜船卽放礮攻擊該匪船撞  
礁擊碎當擒獲盜匪黃河清等十六名口又據新  
會縣知縣徐鑑稟報據巡洋兵役在於香山大冲  
口洋面撞遇匪船拏獲沙邊料船一隻匪犯吳兆  
能一名餘匪逃走在船起出大礮鳥鎗挑刀旗幟  
等物據署平海營叅將范世韜稟報見有盜船駛  
至巽寮港外撞沙攔淺督率勇役擒獲盜匪張亞  
二等七名並獲大鈞艚船一隻據候補鹽經歷劉

禹平稟報督帶兵役巡緝在汕尾地方擒獲上岸探路之盜匪陳興凝一名據署電白縣知縣盛植才稟報會同都司王應詔先後拏獲登岸洋匪楊榮興等十六名據海豐縣張再英稟報率同縣丞戴玉衡巡檢徐維珩在沿河各隘口拏獲洋盜傅亞友等十九名據海安營守備伍朝陽稟報督帶弁兵巡至七星洋面會同雷防同知永輝督率兵役擒獲洋匪羅大興等二名據署香山縣彭昭麟稟報准署香山協右營把總毛國斌在大托山脚海岸獲解客民張盛等貨船被劫案內逆盜蔡太

富一名據廉州府張世倬稟報署欽州知州朱依敬在防城白皮練等處海岸地方拏獲盜犯黃斌等四名并獲私運酒米之匪犯陳傑一名遂溪縣章廷樺稟報飭役在白臘溝地方拏獲洋匪鄒永義等三名以上均係在洋拏獲之犯又據署香山縣知縣彭昭麟稟報會營督帶兵役在該縣秋風角內河拏獲賊匪李潮益等三名又獲案犯蘇亞鐘等二名又據報陸續緝獲賊匪楊亞興等六名及載運盜械之盧廷廣等二名又於順德縣地方拏獲賊犯阮亞真等八名據順德縣知縣沈權衡

稟報在縣屬地方拏獲行劫黃純廣等渡船逸盜蘇亞滿等四名又據稟報督率巡檢章予之帶領巡船兵役追拏盜匪至清源鄉賊匪棄船逃竄捉獲馮亞就等二名並獲賊船一隻及礮械等件據署欽州知州朱依敬稟報會營督役拏獲盜犯獨眠徐等十六名併獲小船二隻搜獲器械四件據署番禺縣河泊所大使劉璵稟報督帶丁役在於大港口河面擒獲買米洋盜黎亞三並匪黨周和陞及周和陞之父周長英妻鄭氏係盜首鄭一之妹并幼孩亞帶水手周滿章吳勝錦等七名口將

船隻器械一併拏獲據廣州府佛山同知官德稟  
報督率兵役緝獲積案巨盜盧亞長卽渾名大碌  
藕一名據署永靖營遊擊張元麟稟報飭令千總  
劉光耀督帶兵丁在於官涌地方拏獲行劫惠州  
渡船案內盜犯麥榮複一名據新會營叅將楊森  
稟報督率弁兵協同縣役及委員金瑋等在江門  
井坭涌口先後拏獲行劫石龍渡夫梁栢榮及原  
任廣西陽朔縣譚晏官船案內賊犯羅亞六劉亞  
浩等五名據增城縣主簿俞世琦會同番禺縣沙  
灣司巡檢沈清蔚稟報督率差役營兵在新村河

面拏獲匪犯康誼明一名據南海縣知縣王軾稟  
報飭差在番禺腊德河面拏獲匪犯賴亞元等三  
名並搜獲布疋衣飾及順刀三把又據稟報在澳  
口河面拏獲行劫簡世標布店盜犯何亞妹一名  
併起獲賊艇布疋等項又據稟報在縣屬地方拏  
獲行劫張敬揚渡船盜犯陳六九等四名又據報  
准四會縣獲解案犯胡亞複等八名又據報准三  
水縣獲解案犯龍能耀一名又據報准署高要縣  
知縣陶然獲解案犯黃幅旦等二名據署順德協  
副將楊長棟稟報千總馮大剛在所屬河面拏獲



行劫譚燧官船盜犯呂亞耀等三名又據稟報署  
把總潘雄超在桂洲停步渡頭拏獲行劫虎門渡  
船案內夥犯楊亞杜一名又據稟報把總吳永慶  
梁殿祥在於水勝基尾等處拏獲行劫經歷蕭宣  
案內盜犯陳賢貴曾亞國二名據博羅縣梁寶繩  
稟報差役協同營兵拏獲行劫鍾炳淳盜犯譚亞  
月一名據鶴山縣樊世祊稟報會營督率兵役拏  
獲積盜王蛋家等四名以上均係內河拏獲之犯  
據海豐縣知縣張再英稟報所屬洋面有盜船被  
風擊沉各盜覓水上岸逃至鵝埠地方經鵝埠司

巡檢程長發拏獲盜犯陳亞二等六名據署平海營叅將范世韜稟報探有大匪在大澳海邊竄岸督飭武弁會同文員拏獲盜犯何亞瑞等七名通盜奸匪陳亞代等二名又據稟報據署千總黃成鳳楊爲幹在松園海邊緝獲匪犯許亞晝等二名又會同平海司巡檢拏獲匪犯蔡道士一名據前潮州府知府陳鎮稟報在東隴黃岡等處拏獲盜匪朱大桿一名又拏獲通盜土匪黃阿大一名又據鹽運使蔡共武稟報候補鹽大使陶桂楨在省城盤獲買米盜匪陳亞耀一名據署潮州府南澳

同知馬澆稟報洋匪分駕杉木小船或攏岸圖劫或登岸砍柴督同兵役追捕紛紛逃竄先後捉獲盜犯莊阿珍等二名據碣石鎮稟報據營弁拏獲出洋爲盜散夥逃回之匪犯沈亞複等四名據署新會縣縣丞金懃忻稟報督率兵役拏獲盜犯李裕榮併被擄蛋婦李阿二共二名口據碣石鎮右營把總吳連高稟報巡至葛秀地方盤獲登岸洋匪許亞成一名據署陸豐縣知縣呂滌稟報縣屬監生陳元榜等查有洋匪陳特信潛逃上岸回家探望率領丁壯拏獲解縣據署高要縣知縣陶然

稟報差役巡緝賊匪至石龍村地方見有賊船當  
卽駕艇飛趕匪徒棄船上岸卽隨同營弁追獲賊  
犯古亞富等三名連賊船並獲又據稟報在縣屬  
先後拏獲蔡以清家被搶案內匪犯謝大滿等二  
名據署徐聞縣沈樹仁稟報在縣境盤獲盜匪許  
元亨卽署元亨一名據肇慶協副將三格稟報督  
率弁兵協同高要縣差在金利墨岡村拏獲搶奪  
林昭案犯黃浩中一名據番禺縣趙興武稟報會  
營拏獲陳亞進被搶案內黎亞樹等三名據恩平  
縣屈澤霖先後詳報會營節次拏獲行劫司徒李

氏案內盜犯區亞聚張亞祿等張煥銀等五名據  
新會縣知縣徐鑑稟報拏獲行劫林作寬布舖案  
內盜犯梁泳喜等九名據大埔縣李緯稟報會營  
拏獲行劫沈立華家案內盜犯劉阿愷卽劉則一  
等八名據博羅縣梁寶繩等稟報會營拏獲蔡章  
堯當舖被劫案內逸盜黃楊化四等二名據南海  
縣王軾詳報據差役協同營兵先後拏獲行劫縣  
民李廣盛酒米舖陳祥門船隻案內盜犯丁亞子  
等十名據海口營叅將何英稟報帶領官兵赴省  
配船出巡行至雷白縣屬拏子途次盤獲登岸洋

匪郭亞嘩等二名以上均係陸路拏獲之犯統計  
先後據報獲犯共三百餘名口有在外洋內河行  
劫殺人者有勾結濟匪者有逼脅服役者有被擄  
押禁者罪名輕重不同卽文武各官稟報情形亦  
僅據該犯被獲時初供未經確審難保其無枉無  
縱現將各犯連提解省督飭悉心研鞠分案審擬  
以成信讞并隨到隨辦以免案犯擁擠至各海口  
設立礮臺扼險制勝最關緊要臣等嚴飭沿海鎮  
將大員督飭守臺各兵慎重防守毋少疎虞前據  
署大鵬營千總梁朝富稟報有匪船停泊沱滬礮

臺經守臺把總黃振魁奮勇擊追當獲代匪寄書  
之陳春茂一名解究又據稟報該臺把總瞭見小  
船一隻在臺下灣泊有船戶劉亞長來臺稟說伊  
被曾亞回僱請駕船裝載火藥迎赴匪船今又領  
匪銀單再往採買因船小駕駛不前故暫爲灣泊  
伊恐拖累是以稟請拏究俾分清濁等語卽帶兵  
目將船內曾亞回李雲連劉亞複三名拏獲併搜  
出匪單一紙並番銀四十四圓詢據劉亞長劉亞  
複同供於二月初二日被曾亞回李雲連僱請駕  
船裝載火藥前往曾亞二王亞四船交收詢其藥

殊

從何處來據供在東苑長平與陳亞三買得挑至

瀝尾交收該礮臺當盜匪滋擾之後復有匪船私

買火藥一事是盜匪奸民互相濟惡處處均有因

可恨

嚴飭各臺汛弁兵加意巡緝各臺汛弁兵亦聞風

知警惟海門營所轄之赤澳礮臺界連閩粵向爲

洋匪出沒之所嗣據護海門營叅將陳鳳高稟報

二月十六日有大幫匪船數十號駛至神泉洋面

寄旋卽駕杉板快船三十餘隻攏近礮臺登岸經

殊

守臺官兵放礮堵禦詎盜匪三百餘名蜂擁直上

竟同叛逆可恨之極

礮臺焚燒營房打傷兵弁搶劫礮火由外洋東竄



等語查洋匪搶劫礮臺實堪髮指除護衆將陳鳳  
高係帶兵出海其餘守臺營弁雖云寡不敵衆然  
疎於防守咎實難辭已檄提該臺把總翁禮士及  
兵丁等解省從重究辦一面嚴飭沿海文武懸賞  
購線偵緝本案首夥各犯務獲解辦旋據澄海縣  
稟稱拏獲盜犯溫阿鵠等二名供認隨同盜首總  
兵寶在赤澳打劫礮臺不諱等情候提省確審實  
情另行專摺具

奏又據潮州鎮總兵武隆阿稟報據派往密查各臺汛  
千總黃進回稱四月初六日辰刻有匪船二十餘

硃

殊

隻乘霧至大雞母澳礮臺右手小旂地方下旋隨  
駕杉板上岸搶佔後山攻撲礮臺該礮臺把總馬  
龍率兵八十餘名用鎗礮抵敵自辰至午濃霧稍  
開見賊匪三四百人半在極後山頂餘各伏近臺

竟同教匪矣

小山豈憑高施放鎗石緣該臺地勢居下西北兩  
面不能避身內有兵丁五名受傷正在撲敵間適  
有柘林寨小雞母澳馬頭山各汛官兵及柘林鄉  
勇馳往應援賊匪隨奔下船逃逸隨往躡看山坡  
血跡猶存賊匪受傷者亦復不少各等語該地弁  
兵能不避艱險實力堵禦尙屬出力已飭該鎮酌

加獎賞以示鼓勵臣等先後抵粵以來寸心焦灼  
蚤夜講求不特外海內河及陸路口岸要隘地方  
調度布置務令周匝無遺卽著名之蠹役玩卒奸  
民爛崽及游手無藉之徒無不隨時訪察隨事懲  
創總因粵東幅幘廣濶全在於地方文武併力殲  
擒不分畛域始能剪除匪類掃蕩海氛但吏治因  
循營伍廢弛已非一日臣等竭力整頓獎拔實心  
緝捕之員汰斥闒茸無能之輩庶使人知激勸速  
收指臂之效惟是臣等受

恩深重辦理一切均未能卽時見功實無以上副

委任惟有協力和衷務求早靖海疆以仰答

高厚鴻慈於萬一謹

奏

嘉慶十年六月初十日軍機大臣字寄奉

上諭那彥成等奏節次拏獲外洋內河及陸路各盜匪現  
在分別審辦一摺覽奏俱悉洋匪土匪勾結爲患日聚  
日多皆緣吏治因循營伍廢弛歷任地方大吏不能督  
率文武實力整頓以致積習難返那彥成百齡於到任  
之後能悉心講求設法董勸閱其摺內所叙現在文武  
各員在於洋面陸路先後報獲者總計有三百餘名漸

能認真緝捕所辦尙好孫玉庭現已調補廣東巡撫伊  
與那彥成惟當協力和衷加意整飭以期海疆日有起  
色該省盜匪奸民互相濟惡處處皆然實爲可恨甚至  
如摺內所稱近日海門營叅將稟報盜匪三百餘名停  
泊蜂擁直上礮臺敢於焚燒營房打傷兵弁搶劫礮火  
而去而潮州鎮武隆阿所報大雞母澳礮臺地方又有  
賊匪三四百人公然駕船攻撲並至佔據山岵憑高施  
放鎗石以致兵丁等多有受傷似此顯爲叛逆成羣作  
隊動輒數百人卽與川楚教匪無異不過外海爲逋逃  
之藪一經追捕卽紛紛逃竄海洋不致蔓延內地耳但

此等匪徒一日不淨洋面地方一日不得寧謐那彥成

曾經出師陝甘勦捕教匪此時辦理之法卽當如前此

硃

之實力搜捕總期根株淨絕勿令稍留餘孽方爲不負

游陸匪則洋匪不攻而自潰矣

委任所有此次海門營疎防礮臺之處除叅將陳鳳高

帶兵出洋應行免議外其把總翁禮士及兵丁等著那

彥成等按律懲處同已獲各犯一併審擬具奏

咨安謹案是年八月初五日奏審明定擬遵

旨各歸各案覆奏共七摺內照江洋行劫大盜比響馬強

盜例斬決二十三名戮屍五名照奸徒將米穀

偷運外洋接濟奸匪例絞決七名照逼勒接賊

一次例發往黑龍江爲奴五名照強盜父兄知情分贓例軍流三名照被擄服役例杖徒三十  
三名照不應重例杖責四名省釋被脅無辜十  
六名同奉

殊批刑部速議具奏

嘉慶十年六月二十六日會同廣東巡撫百公齡  
奏爲遵

旨提訊明確按例分別辦理恭摺覆奏事竊照調任撫臣

孫玉庭前在潮州府訪獲海陽縣地棍楊咱吡陳  
阿斗等私鑄礮位售賣漁利并澄海縣土豪林泮

林五結交盜首接濟洋匪并將失察之該管府縣

專摺

奏參欽奉

諭旨林泮林五二犯交結盜首接濟洋匪尤爲罪大惡極  
著那彥成百齡速行提訊明確問擬斬梟以昭炯戒不  
可久令稽誅海陽縣知縣姚秉哲澄海縣知縣何青於  
所管地方地棍土豪私鑄礮位及私運礮火米糧出口  
接濟盜匪並逞兇斃命姦佔恣行不法各案不能查拏  
究辦闕茸怠玩已極僅予革職不足蔽辜姚秉哲何青  
均著革職發往伊犁効力贖罪該管知府陳鎮漫無覺



察業於另案革職仍著暫留廣東另候諭旨欽此遵卽  
檄飭潮州府將案犯楊咱么陳阿斗林泮林五等  
解省由廣東布政使廣厚按察使秦瀛督同廣州  
府知府福明廣州府永寧通判王衷審擬招解並  
據聲稱南澳營兵冊內查無原奏所稱賣火藥之  
李阿竈名目等情前來內除林五一犯於未奉  
旨以前先後赴臣等衙門列款控訴官員丁役贓私另摺  
奏明請

旨遵行外

臣

等卽督同司道親提楊咱么等逐加研訊緣

楊咱么陳阿斗均籍隸海陽縣楊咱么於嘉慶五

年三月內聞出海商船俱欲攜帶鐵礮起意商同  
現獲之陳業勤陳阿連陳阿朝未獲之陳阿蘭合  
本收買廢鐵私鑄礮位售賣獲利均分陳業勤等  
應允各出本銀二十圓往各村墟向不識姓名人  
陸續收買廢鐵僱已獲之鐵匠劉烏妹方阿恭劉  
伯亨劉阿瑩未獲之方阿五方利生六人在該縣  
土名東底鄉外山窩搭蓋草寮開爐鑄造是年十  
一月初間有商船戶王朝定鑄二百五十觔鐵礮  
五個又六年四月內吳春哥吳報太定鑄三百觔  
鐵礮三個二百觔鐵礮五個又八年八月內王協

廣劉唐老定鑄二百八十觔鐵礮六個三百五十  
觔鐵礮四個又是年十一月內吳誼與林特定鑄  
四百觔鐵礮四個三百觔鐵礮四個又九年十二  
月林五楊合興定鑄五百觔鐵礮六個王潮李强  
定鑄五百觔鐵礮六個前後共鑄過鐵礮四十三  
個內林五楊合興五百觔鐵礮六個每百觔價銀  
一十二圓其餘每百觔價銀一十六圓通共鐵礮  
計重一萬五千零三十觔價銀二千二百八十四  
圓零五錢七分六釐除支給劉烏妹等工銀四百  
二十七圓外剩銀一千八百五十七圓零五錢七

分六釐楊咱么等均分各散陳阿斗於嘉慶六年五月內聞知楊咱么鑄礮獲利亦起意商同已獲之陳阿吉陳阿瞻未獲之吳阿富陳阿夾合本收買廢鐵鑄造陳阿吉等應允隨各出本銀十六圓僱陳長年往各村墟向不識姓名人陸續收買廢鐵亦僱鐵匠劉烏妹等六人在該縣土名湖子洲山窩搭蓋草寮開鑪鑄造是年六月內有商船戶陳縱太定鑄二百觔鐵礮六個五百觔鐵礮二個言定每百觔價銀一十五圓共銀三百三十圓又八年六月內林泮定鑄二百五十觔鐵礮三個四

百觔鐵礮二個言定每百觔價銀一十五圓共銀  
二百三十二圓半又七月內蔡四老定鑄四百觔  
鐵礮三個言定每百觔價銀一十二圓共銀一百  
四十四圓又九年十二月林笨陳牛定鑄五百觔  
鐵礮四個言定每百觔價銀一十二圓共銀二百  
四十圓前後共鑄過鐵礮二十個計重六千九百  
五十觔得價銀九百四十六圓半除支給劉烏妹  
等工銀二百零八圓半外剩銀七百三十八圓陳  
阿斗等均分各散此楊咱咄陳阿斗等積年私鑄  
鐵礮售賣漁利之情由也至林泮卽林成瑞捐州

同職銜在澄海縣屬樟林地方開張行店并置造  
商船出洋貿易林泮屢次夾帶鐵鍋往安南暹邏  
等處售賣以此致富嘉慶五年七月內林泮因已  
故無服族兄林阿烏之繼妻余氏少艾遂姦佔爲  
妾余氏後卽甘心跟隨又七年三月內李亞來偷  
竊林泮蚶子被獲林泮令在逃之工人林橄欖將  
李亞來用繩捆縛丟棄海內淹死又八月內林泮  
姪婦張氏家內被竊衣物林泮疑係陳阿七薛阿  
顯施阿矮許周成并不知姓之阿貢行竊今已獲  
之工人林阿早未獲之工人林阿房林阿墩林阿

向林阿黨林阿坤林阿建陳阿鐵陳阿臍將陳阿  
七等捉回拷打因不承認以許周成年幼釋放復  
商同林阿卑林阿房陳阿鐵陳阿臍將陳阿七薛  
阿顯施阿矮阿貢用繩捆縛掠棄海內淹死屍親  
人等俱畏兇橫不敢告究又八年二月陳阿輝行  
竊林泮大呢被獲林泮令工人林阿花將陳阿輝  
用繩捆縛赴海掠棄陳阿輝掙脫縛繩跑走又是  
年六月內林泮聞有福建盜船劫得貨物在港外  
售賣貪圖價賤用番銀五百二十圓向盜船買得  
胡椒一百包令在逃工人陳阿懋陳阿惡駕艇偷

運轉賣又是年六月內林泮向陳阿斗定鑄二百五十觔鐵礮三個四百觔鐵礮二個給銀二百三十二圓半偷運上船應用又是年十月內有不識姓名賊匪七人行竊林泮稻穀三十餘石被獲林泮令工人林阿罕林阿房林阿向林阿建同未獲之工人林阿旺林阿派李丹升林阿友將賊匪七人用繩捆縛墮乘海內淹死又九年七月內有福建鄭老童盜船在漳林港外遊奕林泮起意勾通以便貨船出入并接買贓物隨向南澳人李阿竈購買火藥二担并猪羊各物令陳阿慝陳阿惡運



至鄭老童盜船致送鄭老童亦回送林泮象牙十  
枝林泮又向鄭老童價買象牙一百枝轉賣獲利  
又是年七月內林泮船泊南澳河而鄭老童盜船  
駛過因礮位短少向林泮船上搬去鐵礮二門此  
林泮姦佔族嫂并逞兇殺命及交結盜首接濟洋  
匪之實情也臣等以楊咱么等疊次私鑄礮位恐  
有接濟盜匪情事林泮淫兇肆橫亦恐尙有不法  
別情連日隔別嚴訊加以刑夾各犯矢口不移似  
無遁飾案犯劉烏妹林阿罕俱在番禺縣監病故  
飭委南海縣知縣王軾驗訊禁役人等並無凌虐

情弊查例載私鑄大小礮位者不論軍民人等及鑄礮匠役一并處斬妻子家產入官又沿海軍民人等潛通海賊同謀結聚正犯比照謀叛已行律處斬梟示不知情之父兄仍照不能禁約子弟爲盜例杖一百又殺三人而非一家者擬斬立決又律載謀殺人造意者斬監候從而加功者絞監候各等語本案楊咱吡陳阿斗各起意商同陳業勤陳阿吉等私鑄礮位售賣漁利劉烏妹方阿恭劉伯亨劉阿壁受僱鑄造厥罪維均應照本例科斷除罪應斬決之劉烏妹已在監病故不議外楊咱

𠵿陳阿斗陳業勤陳阿蓮陳阿朝陳阿吉陳阿曙  
方阿恭劉伯亨劉阿壘均合依私鑄大小礮位不  
論軍民人等及鑄礮匠役一并處斬例俱擬斬立  
決林泮姦佔無服族嫂余氏爲妾并主使溺斃竊  
賊接買盜贓罪止絞遣其心疑陳阿七等行竊捉  
回拷打不認復商同林阿罕等將陳阿七等四人  
捆縛溺斃亦罪止斬決惟勾通洋盜鄭老童送給  
鐵礮火藥例應斬梟且欽奉

諭旨以該犯罪大惡極提訊明確問擬斬梟卽遵照科斷  
林泮卽林成瑞合依沿海軍民潛通海賊同謀結

聚正犯比照謀叛已行律處斬梟示例處斬梟示  
各犯情罪甚重未便稍稽顯戮於審明後恭請

王命飭委廣東按察使秦瀛督標中軍副將劉惟馨將該  
犯楊咱么陳阿斗林泮等十一犯綁赴市曹處斬  
楊咱么陳阿斗均係起意鑄礮首犯與林泮俱傳  
首犯事地方懸掛示衆以昭炯戒林阿卑聽從工  
主林泮淹斃無辜陳阿七等四命并竊匪多人係  
殺傷凡人應以凡人首從論林阿卑合依謀殺人  
從而加功者絞監候律擬絞監候已於取供後在  
監病故應毋庸議林泮之兄林阿訕訊無知情分

賊照例擬杖一百飭縣查拘發落各犯訊無另有  
犯案窩夥林阿奴於工主林泮平日橫行不法並  
未預謀其不行首報亦律得容隱應與訊無行竊  
林張氏家物之許周成并畏兇不敢控告之屍親  
陳林氏均予省釋林余氏先被林泮姦佔後卽甘  
心跟隨應照姦同宗無服親之妻例各枷號四十  
日杖一百余氏係犯姦之婦杖決枷贖當官嫁賣  
身價入官楊咱么陳阿斗林泮等家產飭縣一併  
查明入官分別估變造冊賞覈充作捕盜經費仍  
將支用款目據實報銷其楊咱么等妻子例得入

官應否解赴黑龍江給披甲人爲奴相應聲明聽  
候部議售賣廢鐵之人據供不識姓名無憑提訊  
搭寮鑄礮處所係屬荒山並無鄰佑里長均毋庸  
議起獲鑄礮器具并所搭草寮飭縣銷燬林泮卽  
林成瑞捐照追繳咨銷楊咱么等私鑄礮位案內  
逸犯陳阿蘭方阿五方利生吳阿富陳阿夾王潮  
吳春哥吳報太王協廣劉唐老吳誼興林犇楊合  
興李強陳長年陳縱太蔡四老林笨陳牛又林泮  
濟盜殺人案內逸犯林橄欖林阿房林阿壁林阿  
向林阿黨林阿坤林阿建陳阿鐵陳阿臍陳阿輝

林阿花陳阿懋陳阿惡林阿旺林阿派李丹升林  
阿友及盜首鄭老童并賣火藥之李阿竈嚴緝獲  
日另結本案監斃斬犯劉烏妹絞犯林阿罕管獄  
職名係番禺縣典史陳能平相應附叅又本案失  
察私鑄礮位及通盜濟匪之厯任地方文武各官  
及各上司職名俟查明另叅供招送部謹

奏奉

硃批刑部覈擬具奏

嘉慶十年閏六月十三日

奏

臣

春間奉

首查金玉侯僞文一紙並查倭什布孫玉庭二人知有其  
事否今細訊該犯據供鄭七之子鄭維豐年十七  
歲曾受安南僞封爲金玉侯等語查金玉侯旣實  
有其人而僞文一紙荒謬已極實堪髮指必得上  
緊設法查拏盡法處死以彰

國法而昭炯戒至外海盜匪風行似此狂吠之詞每因  
窮蹙無聊藉此虛聲恐嚇鄉愚全無實事然地方  
百姓得以咸知警備益堅同仇之志現在臣於所  
獲盜犯內亦有搜出字跡者不過勦襲小說鼓詞  
習套實不值上瀆



宸聰是以未卽瑣碎具

奏至金玉侯僞文一事

臣

直至今日始知其確切倭什

布孫玉庭二人應得處分可否邀

恩寬免之處出自

皇上天恩

臣

不敢妄請謹

奏

嘉慶十年七月初六日軍機大臣字寄奉

上諭那彥成奏查金玉侯僞文一事據稱金玉侯係鄭七之子鄭維豐曾受安南僞封等語鄭維豐一犯膽敢襲受僞封編造僞文不法已極該犯此時附入何幫益船

亟應上緊查拏每獲盜犯卽詳究鄭維豐實在下落自無難得其踪蹟該犯曾受僞封或因查拏緊急潛赴越南藏匿亦未可知那彥成若查明該犯現在越南境內卽當檄知該國王就近縛送內地按律審辦又總兵寶一犯糾衆上岸搶劫礮位焚燒兵房罪大惡極且該犯以總兵二字命名亦必係從前得受安南僞封尤應嚴拏務獲勿任漏網再李崇玉一犯前於查拏脫逃後至今尙未弋獲該三犯係著名稔惡那彥成當通飭地方文武一體嚴密查拏不可稍有鬆懈至金玉侯僞文一事那彥成於到任數月後始查訊明確從前倭什布孫

王庭在任時自尚未知有此事所有倭什布孫王庭應得處分著加恩寬免

嘉慶十年六月十五日會同廣東巡撫百公齡

硃

奏爲拏獲焚劫礮臺盜匪又踈失之弁兵審明分別辦理事竊據署惠來縣知縣李應均稟報縣屬赤澳礮臺於本年二月十六日黃昏時候被洋匪駕艇攏岸入臺焚劫該臺把總翁禮士同守兵抵禦被賊拒傷劫去礮位器械焚燒兵房情事當卽帶同役勇趕至適沿海巡緝之把總李聞勇亦聞信帶兵赴援協同追捕各匪已分投駕船逃逸等情臣

等據報卽飭署惠潮嘉道吳俊就近委員前往確  
查勘驗一面飛檄該處文武嚴密查緝盜匪務獲  
并行提踈失兵弁翁禮士等赴省審辦嗣據委員  
會同勘明赤澳礮臺兵房破位烏鎗刀械火藥等  
項被盜焚劫屬實查驗防守該臺把總翁禮士及  
兵丁委係抵禦被傷並據代理澄海縣事東界鹽  
場大使王元鳳稟報會營拏獲本案盜犯溫亞鵠  
鍾春生二名及被擄服役之鄧亞班陳長毛金亞  
兌三名連盜船器械並獲等由先經<sub>臣</sub>等彙摺具  
奏在案復飭提各犯赴省委員歸案辦理隨據報革弁

翁禮士及革弁張葉高等十二名均於取供後先後病故茲據委員審明由司審擬招解前來臣等督同親鞠緣澄海縣民溫亞鵠同船戶鄭良維水手林亞聰等於嘉慶八年六月二十日被盜首吳含隆管下老板李四拱盜船在於陽江洋面將溫亞鵠并陳良維等擄捉過船押令鄭良維等服役溫亞鵠入夥嘉慶十年二月十五日老板李四拱盜船與盜首吳含隆及總兵寶等船戶同駛至惠來縣屬神泉港洋面寄碇總兵寶因伊船缺少火藥礮械稔知赤澳礮臺均有貯備起意商同前往

硃

劫掠吳含隆等允從十六日黃昏時候總兵寶吳含隆李四拱等與溫亞鵠鍾春生等共三百餘人

攜帶火礮刀械坐駕三板脚艇至赤澳僻處登岸

總兵寶因該臺大門在東令吳含隆分帶溫亞鵠

鍾春生等百餘人由西邊潛往自與李四拱等向

北吶喊而至翁禮士查見卽同兵丁林朝勲等放

鎗抵禦總兵寶等暫避不退吳含隆與溫亞鵠等

乘間走至臺東將門打開總兵寶等一齊擁入翁

禮士等出臺攔阻總兵寶等卽喊溫亞鵠等拋擲

火礮焚燒臺門兵房翁禮士令兵丁黃朝高等撲

硃 硃 硃

殊 殊

殊

救自與林朝勲等向捕總兵寶刀傷翁禮士左腿  
吳含隆及傷林朝勲右臙服並傷鄭明光右臂膊  
及李耀右腿把總翁禮士因受傷畏怯先行跑避  
兵丁黃朝高等亦隨奔跑溫亞鵠鍾春生等分搶  
破位刀械並火藥等物同各盜轉回艇內運至總  
兵寶大船收貯維時海門營把總李文勇在沿海  
一帶地方巡緝署惠來縣知縣李應均同時聞信  
各帶兵役趕到盜船分投駕逃不及擒捕李四拱  
船隻於是月十九日駛至澄海縣屬南澳洋邊因  
缺少淡水令溫亞鵠鍾春生押帶被擄服役陳長

毛鄧亞班金亞允坐駕脚艇赴岸汲取代理澄海  
縣事東界鹽場大使王元鳳飭役協同營兵巡至  
將溫亞鵠等連艇隻器械一併拏獲稟解到省究  
出溫亞鵠自被擄入夥之後在洋劫擄勒贖共七  
次鍾春生自被擄入夥後在洋劫擄四次其守臺  
兵丁黃朝高等則堅供委因賊匪猝入臺內焚燒  
抵禦受傷一時畏懼逃避致被劫去礮械等項並  
無通盜送給及裝傷掩飾情事其盜犯溫亞鵠鍾  
春生亦止隨同焚劫礮臺並未拒傷兵丁究詰不  
移似無遁飾該犯等情罪重大未便稍稽顯戮審



明後臣等當卽恭請

王命飭委按察使秦瀛督標中軍副將劉惟馨將溫亞鵠  
鍾春生二犯照江洋行劫大盜響馬強盜例押赴  
市曹斬決傳首犯事地方梟示以昭炯戒鄧亞班  
陳長毛金亞兌三犯俱係被擄服役並無隨同劫  
掠及接贓情事均照洋盜案內被脅服役之犯如  
被拏獲者照例杖一百徒三年至配所各折責四  
十板鄧亞班已於取供後病故應毋庸議把總翁  
禮士防守赤澳礮臺被賊猝入焚燒不能率兵竭  
力抵禦輒因受傷畏怯先行跑避各兵隨同奔逸

致賊劫去礮械各物應照臨陣先退本例科斷翁  
禮士應革去把總照官軍臨陣先退者斬監候律  
擬斬監候秋後處決已於取供後在監病故應毋  
庸議兵丁黃朝高等隨同把總翁禮士奔避應照  
爲從科罪黃朝高併因病留縣醫治之林逢春等  
五十七名均革去名糧於翁禮士斬罪上減一等  
杖一百流三千里至配所各折責四十板林朝勲  
等三名曾經抵禦受傷與黃朝高等情罪有間均  
請於黃朝高等流罪上減一等杖一百徒三年至  
配所各折責四十板翁耀等十三名已於取供後

病故應毋庸議臺兵蔡喜等二名因悞操斥革王  
貴太江鳳先因患病給假醫調林亮遞送公文外  
出均屬無干請免置議並免提訊被劫礮位及焚  
燒兵房飭令惠來縣佑明價值著落該管營員賠  
修各兵遺缺飭卽補充以資防禦起獲盜艇器械  
分別留營備用變價充公劫擄逸盜總兵寶吳含  
崑李四拱等飭行沿海營縣及巡洋員弁嚴緝務  
獲究辦本案拏獲焚劫礮臺盜犯二名內溫亞鵠  
一名係澄海縣人該地方官例應查拏鍾春生籍  
隸饒平並非澄海民人例應議叙所有拏獲鄰境

盜犯一名文員職名係代理澄海縣事東界場大  
使王元鳳相應開設至武員聯名應俟查明辦理  
又赤澳礮臺距縣城六十里且係營員帶兵駐防  
與州縣同城者迥別惟署惠來縣知縣李應均失  
於防範咎有應得又海門營把總李文愚雖非該  
處專汛之弁第旣奉委巡查不能先事查察堵禦  
咎亦難辭相應附叅聽候部議又本案疎防之兼  
轄統轄文武各職名應俟查明照例開叅謹  
奏奉

硃批刑部速議具奏

嘉慶十年六月十五日

奏爲拏獲拜會爲首逃下盜船主謀迭劫抗拒官兵之  
首犯審明辦理恭摺奏

聞事竊

臣

荷蒙

恩命調任兩粵辦理洋盜事事謹遵

指示機宜先嚴營伍併修整礮臺兵房點足兵額俾藩籬  
鞏固聲勢連絡更嚴辦奸民勾通接濟每遇審訊  
洋盜必切細根究米糧軍火來厯以致盜命而絕  
盜源現經審出勾通接濟者已有十餘起統俟彙  
案具

奏並訪查公正紳耆旌賞匾額俾知趨正急公倘有素  
悉匪類蹤跡者亦一體留心躡緝稟報嗣於本年  
六月初六日據遂溪縣分發教諭洪德元卽用從  
九品梁思堯生員梁思垣署廣州協右營守備張  
仁稟報查得先爲會首後爲洋盜首之符老洪改  
易姓名潛匿省河譚作金運鹽船內當卽密飭中  
軍副將劉維馨帶領兵役將該犯拏獲立卽飭布  
按運三司督同廣州府福明審擬招解臣隨又提  
犯親加研鞫緣符老洪籍隸海康嘉慶六年六月  
間在原籍地方聽從已獲之林添申起意結拜添

弟會林添申旋因拜會人少令符老洪分頭結拜  
符老洪另糾得已獲之溫日升等九人在西門坡  
地方結拜又糾得已獲之溫老景等十四人在英  
埔頭地方結拜均不論年齒推符老洪爲大哥欲  
俟八月十五日同赴高山坡地方同林添申結拜  
總會再往村莊城市搶劫財物尙未起事卽被營  
縣訪拏林添申等九十九名解省審辦該犯聞拏  
逃至東海地方投下盜首烏十二船內入夥烏石  
二時受安南僞封稱爲清海大將軍以符老洪頗  
有智識封爲典司軍師船上每事聽其號令該犯

帶同烏十二在洋同盜首鄭一東海伯卽吳十一  
指等連幫劫過洋船二隻鹽船二十六隻又在廣  
州灣放雞馬尾各洋面抗拒舟師三次皆係該犯  
主謀調度烏十二又向各船勒抽銀兩艚船每鹽  
百包索銀五十圓商船則視其貨物之多寡每船  
索銀五七十圓至三五百圓不等符老洪等俱發  
票收銀坐地分贓迨本年四月間聞知省河打造  
船隻出洋捕盜籌辦嚴切該犯恐他人不能探聽  
消息遂親自赴省併買綢緞等物改稱王姓至電  
白城外之邵三公家租房暫居探有素好之船戶



譚作金受三江埠司事劉三僱倩運鹽赴省卽向譚作金搭船同行并借給譚作金番銀七百五十圓開發欠項約至省後向劉三埠館討取銀兩加利給還由電白開行抵省仍認王姓銀主同譚作金到三江埠館向司事劉三討取銀兩旋被訪聞拏獲譚作金先已上岸聞風脫逃屢審符老洪供認前情不諱併據供出烏石二等盜船厯有梅聚之曹三東海之陳順興運銷贓物並有電白之黃老三東海之吳文通宋國興硃洲之周老電何老邱遂溪之鄧大吳川之老求哥接濟糧食等語究

詰不移似無遁飾查乾隆六十年間欽奉

上諭盜犯林誥膽敢拒捕核其情罪卽當問擬凌遲嗣後  
遇有此等案件一體嚴懲欽此本案符老洪先經糾夥  
拜會爲首希圖搶劫因查拏嚴緊逃下盜船入夥  
爲盜首烏石二主謀迭劫屢抗官兵俱由該犯從  
中調度又有僞號軍師典司實屬罪大惡極應按  
林誥之例凌遲處死臣審明後當卽恭請

王命飭委按察使秦瀛督標中軍副將劉維馨將符老洪  
一犯綁赴市曹凌遲處死仍傳首該犯原籍地方  
梟示以昭炯戒謹

奏奉

硃批刑部速議具奏

謹按嘉慶十年六月十五日奏內

奏爲分發教諭洪德元卽用從九品梁思堯生員梁思垣留心查緝俾要犯就擒中軍副將劉維馨署廣州協右營守備張仁會同拏獲鄰境盜犯亦屬出力可否量予鼓勵之處出自

天恩謹

奏

嘉慶十年七月初六日奉

上諭那彥成奏拏獲盜犯待老洪審明正法所有密查稟報之分發教諭洪德元卽用從九品梁思堯生員梁思垣會同拏獲之督標中軍副將劉維馨署廣州協右營守備張仁均屬出力可否量加鼓勵等語劉維馨張仁洪德元梁思堯梁思垣均著加恩交部議敘以示獎勵

嘉慶十年六月十五日會同廣東巡撫百公齡

奏爲拏獲在洋疊劫及載運酒米接濟之盜匪審明分

別辦理事竊

臣

等到粵以後因查緝捕洋盜必先

絕其接濟節飭各屬嚴密訪查去後嗣據前署廣

州府知府英吉督同新安縣知縣朱麟徵訪獲新

安縣屬在洋疊劫潛回置買酒米接濟洋匪之洗  
亞科一名又獲受僱運送酒米出洋銷換之陳二  
貴魯迪蒼余大頭三名飭解來省確審究辦旋報  
案犯魯迪蒼於取供後病故據委員審明由司審  
擬招解前來<sub>臣</sub>等提犯督同親鞠洗亞科陳二貴  
等均籍隸新安縣據洗亞科供認於嘉慶九年三  
月內投下盜首總兵四卽陳亞四船上入夥前後  
在洋行劫三次復買酒米換贓一次陳二貴余大  
頭二犯供認與現獲病故之魯迪蒼與受僱未獲  
之魯小蒼駕船載運米酒出洋接濟盜匪一次再

三究詰別無另犯將該犯照江洋行劫例情罪重

大未便稍稽顯戮審明後

臣等卽請

王命飭委按察使秦瀛督標中軍副將劉維馨將洗亞科一犯綁赴市曹斬首傳首沿海地方梟示以昭炯戒陳二貴魯迪蒼奈大頭三犯均係受僱聽從魯小蒼載運酒米出洋接濟盜匪合依奸徒將米穀偷運外洋接濟奸匪絞決爲從減一等例杖一百流三千里至配所各折責四十板魯迪蒼已於取供後在監病故逸犯總兵四卽陳亞四等嚴飭沿海文武緝拏務獲究辦謹

奏奉

硃批刑部核議具奏

嘉慶十年七月初一日

奏爲拏獲糾約多匪越境肆劫並拒捕斃命逃回之首夥各犯事據嘉應州吏目傅國柱稟稱該州於三月二十八日夜三更時分州城南門外有盜匪多

硃

人明火執仗打劫事主陳增盛陳寶泉葉寶興錢店拒傷事主鄰佑並鎗斃戴阿連一名經文武員弁聞信帶領兵役出城擒獲卽向東路逃逸等情適署嘉應州知州吳敬權因公在省卽面諭星馳

硃 硃

回任嚴密查拏將首夥各犯立限務獲旋據該州稟稱抵任後選派幹役在豐順新渡地方拏獲船戶吳宗保一名又在大埔地方拏獲盜犯蕭朋程一名到案將二犯嚴加審訊據吳宗保供三月二十六日有不識姓名二十餘人在高坡地方僱伊船到新渡二十七日起岸云欲赴嘉應州買蘭細約定初二日回船令伊在新渡等候載往潮州售賣二十九日有鄉民多人趕賊適上岸聞走聞信往看船已被人撐過對岸伊因查問鄉人疑其將船渡賊卽被拏獲又據蕭朋程供被福建平和人



陳單刀逼勒入夥共有二十一人於三月二十八日來至嘉應州地方陳單刀將伊留於離州十餘里之山坑看守包袱同衆持械往州行劫得贓後分給贓銀至豐順縣紫荊園地方盜夥林阿富又將追趕之鄉民廖阿標拒傷卽由新渡起岸分路行走被獲又供陳單刀林阿富同帶路之陳阿章於二十八日天明先來州打聽看過錢店有無銀錢餘存陸續到州三更時分行劫內有黃姓被城上擲石打傷頭顱此人與陳單刀林阿富極有武藝來時當先去時斷後陳單刀先曾劫過福建峯

寺等處店舖被官兵將伊住房燒燬今現住伊表  
弟黃阿連山寮內同時行劫之黃阿狗等十八名  
俱係福建漳州府屬人各等語臣詳核犯供陳單  
刀所糾夥黨多係閩省匪類膽敢越境肆劫行傷  
事主店鄰並沿途拒捕傷人實堪髮指但居址姓  
名既指供如繪無難立擒嚴懲以除漳潮數郡之  
害一面飛咨閩省一面密委妥員赴潮州一帶地  
方跟踪密躡務獲究辦茲據委員陶希忠稟報該  
員抵漳後卽稟明汀漳龍道漳州府會營查拏一  
面在外購線密緝先訪得夥黨陳颺一名在南靖

殊 殊 殊

殊 殊

草坂社地方藏匿稟知道府差拏經其家長送出  
又訪獲蕭朋程所供林劫一名又在漳浦縣屬之  
烏獅地方將盜首陳單刀卽陳三多拏獲並獲夥  
盜陳亞章卽陳章一名押解至郡漳州府督同龍  
溪縣現在審訊並據汀漳龍道特通阿稟同前情  
各等因前來查該犯等係漳郡積匪雖漳郡所屬  
尙有應訊之案然粵省嘉應州關廂近地連劫三  
家賊逾數千而拒傷者十餘人傷斃者二命案關  
重大自應歸於粵省審辦卽飭嘉應州知州添派  
妥役前往漳州迎提併將案內緊要夥犯一體購

硃

線密拏務期全數弋獲歸案嚴辦庶匪徒知儆而越境肆劫之風稍爲斂戢謹

奏

謹按嘉慶十年七月二十日廷寄內奉

上諭據那彥成奏拏獲糾約多匪越境肆劫並拒捕斃命  
逃回之首夥各犯一摺陳單刀等犯經該督飛咨閩省  
並密委妥員前赴潮漳一帶躡緝務獲旣據該委員陶  
希忠稟稱在漳浦地方拏獲陳單刀等四犯卽應徑解  
粵省審辦何以轉又押解漳郡審訊恐該犯等實係閩  
省拏獲該委員不無邀功朦稟情事那彥成等當查詢

明確如該委員果有此等情弊卽當據實叅奏至陳單刀等犯該督現飭嘉應州派役迎提如業經提到卽著迅速審辦若尙未提到則此等要犯長途押解恐稍有踈虞轉致遠颺况該犯等本係閩省積匪犯案自必不少或將嘉應州案犯及供詞等項咨交玉德就近訊明結案亦無不可總在那彥成等斟酌妥辦可也

嘉慶十年七月初一日

奏爲拏獲在洋積年盜首鄭亞鹿全幫沉溺并拏獲夥盜審明辦理事竊據潮陽縣知縣謝濤會同該營員陳鳳高等於本年五月十五十八等日督同兵

役拏獲逃回盜首鄭亞鹿并又跟究拏獲夥犯共四十名等情臣查鄭亞鹿統衆鴟張久爲東路腹心之患今旣就獲從此惠潮洋面除一巨魁不致蔓延滋長當卽飭司飛提來省審辦去後據報案犯劉斧頭支等五名均於取供後病故又李亞複一犯年未及歲先由該縣訊明保釋並據委員廣州府知府福明將現犯審擬由按察使秦瀛招解前來臣提犯督同司道親加嚴究緣鄭亞鹿籍隸潮陽與閩省大盜首朱漬管下小盜首金開熟識該犯於乾隆五十四年間經金開引下朱漬船內

入夥後卽另爲盜首自帶一幫賊船於閩粵洋面迭肆擄劫共有盜船十餘隻夥盜七百餘人十餘年來劫擄殺人屢次抗拒舟師皆以年分久遠不能記憶時日惟據舊案查訊供出嘉慶五年閏四月初二日曾在閩省三澎洋面與官兵打仗一次傷過官兵六年三四等月隨同已獲正法之莫觀扶等助安南與農耐打仗數次復回至西路洋面伺劫是年八月初六七等日前往左翼鎮臣黃標在吳川縣屬廣洲灣洋面向捕該犯率領名下各船對敵傷過官兵七年正月初一日在吳川縣屬洋

面與已獲正法盜犯朱亞三聯幫伺劫夥同劫搶  
該縣東礮臺礮位八年正月二十六日又與前左  
翼鎮臣黃標師船在香山縣屬橫洲洋面相遇向  
捕該犯抗拒傷過官兵九年三月二十九日在海  
豐縣屬與楊朦九盜匪聯幫伺劫同搶石獅礮臺  
因被勦拏旋即逃回潮陽縣海門洋面劫搶李仲  
宏漁船該犯動手殺死水手李輞與陳得清二人  
九年五月內因該犯無服族叔鄭茂常報官引拘  
該犯聞知卽設計哄騙鄭茂常到船碎屍剝腹棄  
海十年正月內在澄海縣屬放雞洋面劫得姚萬



豐貨船一隻連船劫得奪銀八千餘兩朱潰聞知當卽奪去五月初四日該犯因挾前嫌齊集夥船於南粵洋面與朱潰對敵被朱潰搶去夥船數隻該犯又駛回適遇海門營舟師追剿將賊船用鎗礮轟損該犯與劉斧頭支等覓水上岸卽被兵役拏獲計該犯一幫賊船十餘隻被朱潰搶後又復遭風隨遇師船打仗盜夥賊船全行沉沒又究據供出該犯劫來各賊向多交於惠來縣前詹鄉詹季練胡厚勤胡式添等變賣并向謝智招陳豐老各處買米接濟此外劫擄之案甚多實在不能記

憶等語又同時續行拏獲夥犯現於取供後病故之劉斧頭支鄒亞五鄭亞居史蝦蛄等四犯均係該犯先後於各洋面漁船擄捉入夥隨同行劫已非一次又獲該犯胞弟鄭亞打一犯訊係本年二月內入夥該犯分船行劫得贓亦經多次又據供跟究續獲鄭亞赤陳亞同二犯各在本船接贓一次又鄭亞看李亞復二犯在船服役又獲鄭式本併已故之鄭潮文二犯因與該犯同族九年五月曾赴該犯鄭亞鹿船探望該犯托其探聽官兵消息鄭式本等貪圖借銀伴爲應允當向該犯各借

番銀三十圓借後上岸並未探給信息亦無隨同  
爲盜又獲鄭逢進一犯亦因窮苦往探得過該犯  
幫給番銀二十圓亦無爲盜情事又獲鄭咱么一  
名訊因九年二月二十五日在潮陽縣海門洋面  
捕魚船隻被擄鄭咱么送給鄭亞鹿番銀五十圓  
將船贖回究非同夥反覆質詰衆供如繪臣將該  
犯等審明後卽恭請

王命飭委按察使秦瀛督標中軍副將劉維馨將鄭亞鹿  
鄭亞打照支解人例綁赴市曹分別凌遲斬決同  
取供後病故之劉斧頭支鄒亞五鄭亞居史蝦蚶

戮屍一併傳首沿海地方懸掛示衆以昭炯戒鄭亞赤陳亞同訊無隨同搜劫情事惟被擄後各在本船接賊一次合依洋盜案內破劫接賊一次例發往黑龍江給打牲索倫達呼爾爲奴俱照例刺字鄭式本鄭潮文均係鄭亞鹿族人因鄭亞鹿托令探聽官兵信息卽佯爲應允騙借銀兩究無實在探信情事核其情罪固與探報消息致賊逃竄者不同亦與潛通海賊同謀結聚者迥異惟旣得銀允許實屬不法鄭式本鄭潮文均照爲賊探聽消息通線引路照強盜窩主不行又不分贓律杖

一百流三千里例量加一等發往附近充軍至配所杖一百各折責四十板鄭潮文已經病故應毋庸議鄭亞看被脅服役合依洋盜案內被脅服役之犯如被拏獲例杖一百徒三年至配所各折責四十板鄭逢進收受鄭亞鹿番銀二十圓計重十四兩四錢折實紋銀十三兩一錢四分八釐該犯與族盜往來殊非守分未便僅照知強盜後分贓計所分贓准竊盜爲從論擬以杖責致滋輕縱應請杖一百徒三年至配所折責四十板免刺鄭咱么因船隻被劫備銀贖回情尚可原應於在船服

役年未及歲之李亞複經縣先已省釋均請免議  
逸盜朱潰金開同究出曾代消贓並代買米之詹  
季練胡厚勤胡式添謝智招陳豐老等飭行各原  
籍及沿海文武併捕盜員弁嚴緝獲日另辦謹  
奏奉

硃批刑部核議具奏

嘉慶十年七月初一日

奏爲續經拏獲外洋內河陸路各盜匪並勾通接濟之  
土匪彙摺奏

聞事竊

臣

前將各路舟師並地方文武捕獲盜匪業經恭

摺

奏明在案一面飭提各犯赴省確審究辦現在核審具  
奏一面仍嚴督各文武多方緝捕迄今陸續海洋接仗  
與沿海內河陸路搶劫並濟盜消賊及搶礮臺各  
犯先後弋獲各具稟報前來理合彙摺具

奏據護左翼鎮總兵林國良署香山協副將許廷桂會  
稟督帶師船在獨牛遙見尖山洋面有盜船遊奕  
卽督同各將備及委員等追至平洲外洋將近盜  
船賊匪放礮抗拒兵船施放鎗礮打死賊匪無數  
擊沉賊船二隻賊匪落水被浪捲沒尙有匪船五

隻奔散逃遁各兵船分赴追捕趕至白沙洋面見  
匪船三隻擊沉一隻賊匪紛紛淹斃拏獲二隻生  
擒洋盜胡榮鳳等二十六名起出礮械旗幟火藥  
會簿約帖等項署香山協副將許廷桂稟報督帶  
師船在高欄洋面擊沉盜船二隻拏獲盜船二隻  
生擒洋盜李明秋等四十六名口起出礮械藥彈  
等項又據會同海口營叅將何英會稟督帶兵船  
巡搜至新寧大金洋面見有匪船遊奕卽奮勇追  
捕放礮攻擊將匪船擊獲生擒盜犯李陳由等十  
三名起獲礮械旗幟等項又探得亞公洋面有匪



船遊奕卽率兵船飛赴搜捕匪船竄攏風灣山旁  
冲礁擊碎各匪梟水上岸隨令各弁兵開駕三板  
往山搜捕拏獲盜犯陳木養等十四名又據會稟  
帶領兵船搜捕一出大金門一出烏猪外洋見鳳  
凰尾外有盜船遊奕兩路會台追至黑水遠洋與  
賊相近兵船放礮擊沉盜船三隻賊匪被浪捲沉  
尙有匪船四隻分投竄遁各兵船圍攻施放鎗箭  
賊匪紛紛落海生擒洋匪董亞二等男婦大小十  
名口殺賊首級二顆獲賊船二隻並獲礮械藥彈  
旂幟等項烏鎗五桿腰刀五把俱有建鎮建寧營

汎字樣並獲福建兵丁吳騰蛟聶高二名係在金  
門洋遇盜截劫哨船被擄押禁瓊州府張增稟龍  
門協千總華蘭帶領捕船巡至雷州洋面見有盜  
船當卽駛往圍拏施放鎗礮打沉礮船二隻盜匪  
受傷落海不計其數尚有盜船三隻追至瓊山天  
尾洋面與盜船相近華蘭卽首先跳過盜船與各  
盜互相格鬪格殺盜匪四名梟取首級格傷盜匪  
十餘名落海生擒盜匪吳亞空等二十二名船二  
隻起獲礮械烏鎗旂幟火藥等項尙有盜船一隻  
分撥捕船追出外洋用礮擊沉時有署海口營守

備李春駕船趕至協同瓊山縣知縣鄭溶等拏獲  
鳧水上岸盜匪歐亞水等三名以上皆在洋接仗  
擒獲之犯潮陽縣知縣謝濤自同海門營參將陳  
鳳高督率兵役等拏獲洋盜陳亞開一名又獲洋  
盜余亞順等五名新安縣朱麟徵稟報巡檢朱永  
岳陳謨督率鄉民漁戶等在硬礮頭洋面捕獲盜  
船一隻打沉盜船二隻生擒盜匪蔡成基等三十  
五名口起出刀械礮火等物新會縣知縣徐鑑稟  
獲洋盜洪亞就十五名口署吳川營都司盧端稟  
報把總張國理在海旁盤獲登岸偷取淡水洋匪

黃慶等三名又在博立汎海旁拏獲洋匪朱成旺  
一名署電白縣知縣盛植才稟會營在博賀等處  
地方盤獲洋匪馮紹安等八名又會營拏獲洋匪  
周之尾等十名署電白營都司王應詔稟把總彭  
高在博賀港海旁拏獲洋匪李亞三一名署新會  
縣縣丞金惠所稟在石礎沙仔尾地方石船上盤  
獲盜犯周亞一等三名署廣海營外委趙大邦等  
稟在甫草蛋行村地方協同委員拏獲盜匪林祖  
車等五名署海門營叅將陳鳳高稟拏獲取水之  
盜匪劉阿夥等六名廣海寨把總劉升稟拏獲盜

匪趙亞四一名署雷州營叅將富珠隆阿稟外委  
陳元亮在大坡地方拏獲盜匪蘇武正一名又外  
委王敬行拏獲代盜寄信之林友欽二名又額外  
委周式儒拏獲登岸伺劫黃孝等五名署廣海  
寨中軍守備王朝安在大麻洋面拏獲賊船一隻  
並礮械火藥賊棄船見水登岸逃走卽令弁兵上  
岸追獲張興張利二名又把總劉升帶兵同縣役  
拏獲盜犯陳亞二等二名原任惠州府知府楊楷  
稟拏獲洋盜陳成愷一名又洋匪詹亞德一名陳  
亞作一名又會同順德營縣拏獲洋匪李亞四等

二十五名大鵬營叅將曾欽選稟獲洋匪羅木秀等四名並礮械等項署新安縣知縣田文燾稟會營拏獲盜匪陳亞土等二十一名新寧縣知縣王志槐稟差役在蛋行村背洋面見有數賊由外洋駛來登岸取水經縣役協同汛兵鄉民駕船擒捕賊匪拒捕被殺二人將船打碎當卽拏獲李南祐等五名起獲刀械又獲被擄服役逃回之梁亞牛一名又經事主指獲林明便一名署新寧縣縣丞杜華林稟據巡役稟瞭見師船在滄洲東外洋面追拏盜船當卽馳起風灣海邊率同該處鄉勇截

捕擒獲盜犯盧二壽等十一名其盜船二隻已被  
師船焚燒香山縣知縣彭昭麟稟據巡役緝獲盜  
犯闕亞保等二名署那扶營都司林克順稟探有  
匪船經師船追捕逃竄攏近紫羅山躲避卽督率  
弁兵協同鄉老拏獲盜匪黃立順等十五名又追  
至大龍山搜獲盜匪陳亞南等七名查係盜首鄭  
一先鋒快船署海康縣知縣高經祥稟會營前後  
拏獲洋匪黃朝高吳天美劉維保等十八名署澄  
海協副將王國寶稟拏獲趕劫漁船之賊艇追捕  
賊匪跳水淹沒擒獲小匪船一隻盜匪林阿盛等

二名署遂溪縣知縣段長基稟在藤叅渡地方拏獲盜首凌阿大一名又拏獲上岸買米之盜首羅吳炳等二名驚早司巡檢徐維珩稟在小漠港拏獲盜匪蔡阿英等十名以上皆在洋爲盜之犯鶴山縣知縣樊世枋稟會營拏獲盜犯王亞滿等二名廣州府知府福明稟順德龍江地方拏獲行劫高州府經歷蕭宣坐船案內盜犯黃志然等三名撫標左營守備李福泰稟在裏水村地方訪獲盜匪陳顯林一名南海縣知縣王軾詳會營緝獲縣民胡從嘉等船被搶案內賊犯陳亞代一名陽江



縣縣丞王辛干總胡聯標會稟在東莞縣麻涌海口獅子洋邊拏獲屢次搶劫渡船盜犯陳亞寬一名順德縣知縣沈權衡稟會營拏獲盜犯梁亞明等二名並獲船隻器械儋州知州曹世華在籍候選知縣何天球候補縣丞陸來會稟拏獲盜匪黃英拔等八名又梁亞牛等六名河清汛外委李光泰拏獲盜匪余動二一名委員趙瞻雲等拏獲盜犯梁萬有等四名潮陽縣知縣謝濤詳緝獲搶劫案犯歐天佐等七名署順德協副將楊長棟稟候補外委馬定安同巡丁在舊寨地方拏獲匪犯程

亞天等二名在籍候補知縣何天球稟會營在睦  
州河面拏獲匪犯胡清德等四名以上皆在內河  
行劫之犯鶴山縣知縣樊世枋詳會同各營員先  
後緝獲有案逸盜林亞帝等四名陽江縣縣丞王  
辛干總胡聯標會稟在南海赤崗地方拏獲匪犯  
直亞富一名併起獲兇刀二口恩平縣知縣屈澤  
林詳拏獲盜犯黃亞遲等二名署順德協副將楊  
長棟稟督率屬弁陸續拏獲匪犯黎亞等九名順  
德縣知縣沈權衡詳先後拏獲匪犯黑骨應等十  
二名三水縣知縣洪先燾稟先後緝獲匪犯關亞

二等五名署石翼鎮左營遊擊倭恒額稟所屬弁  
兵拏獲匪犯吳復元等二名候補巡檢張家順候  
補守備鍾垣會稟拏獲匪犯李耀成一名九江汛  
守備盧朝光會同九江主簿李敬思拏獲賊犯何  
琪琛等三名羅定州知州張純賢詳會營拏獲賊  
犯梁賢才等三名東安縣知縣朱一謙詳會營拏  
獲兇賊林維等四名候補守備劉輔朝稟先後緝  
獲盜犯招貴秀等二名又會同從九品田子華拏  
獲霍亞受一名原任守備羅耀紀試用從九品趙  
瞻雲會稟拏獲盜犯吳亞盛等二名候補從九品

王賜稟先後拏獲盜犯李複興等四名又拏獲搶  
劫客船匪犯陳國標等十二名南雄協副將何君  
佐稟外委周德興拏獲搶案賊犯李觀俚一名又  
額外外委何益榮拏獲匪犯葉盛賓等二名佛山  
同知官德稟緝獲逸盜黃亞有一名在籍候選知  
縣何天球稟會同順德紳士胡鳴鸞等並該汛把  
總朱明亮拏獲匪犯鄧亞望等三名候補從九品  
舒成把總脫文興會稟盤獲逸盜陳亞津一名併  
搜獲順刀鎖匙等項清遠縣知縣饒應泰稟會營  
及巡檢高謙益拏獲拒傷事主案犯彭亞傑等二

名東莞水師都司唐盛高稟署千總袁綱拏獲經  
事主指出匪犯鄭啟先等五名撫標左營千總守  
備李福泰稟拏獲賊犯蘇亞章一名又拏獲賊犯  
親屬馮亞四一名新會縣知縣徐鑑詳拏獲劫案  
逸盜林亞生等二名順德縣紫泥司巡檢章予之  
稟拏獲駛駕蝦筍艇行劫匪犯陳亞北等七名並  
起獲船隻火藥等項又稟拏獲匪犯周昌敬卽周  
亞敬一名南海縣王軾會營先後緝獲盜犯郭亞  
喬等十八名又黃鼎司巡檢吳顯純同縣差拏獲  
匪犯陳紹東等六名又拏獲賊匪梁社帶等二名

并獲窩贓人梁天保一名惠來縣知縣李應均稟  
訪獲積盜黃阿貫等十七名以上皆在陸路行劫  
之犯

臣前奉

諭旨洋盜以海爲藪藪之陸路倍難總應先截清洋匪陸  
匪勾結之後先辦陸匪勿令勾結之後先辦陸匪則洋  
匪不攻自潰欽此仰見

睿慮周詳動中機要

臣

實深欽佩當卽悉心欽遵辦理查

向來審辦洋盜於勾通接濟之人未經究及伏思  
盜匪礮火得自何處米糧買自何人所劫贓物於  
何地銷售一切船中需用之物於何方購買不有

岸匪接濟斷難肆其鴟張臣每遇審辦洋盜時必層層究詰如有供出卽按名密拏究辦並通飭緝捕各員於獲犯時俱遵照嚴鞠茲據原任惠州府楊楷稟督同海豐營縣拏獲接濟洋盜黃孟煌等三名署順德協副將楊長使稟報署左營守備楊光千總宋邦雄同委員何天球拏獲通盜匪犯黎勝利等二名廉州府張世倬廉州營遊擊劉琥會稟拏獲私販火藥濟匪人犯李元興等二名署海康縣高經祥稟拏獲私買米猪接濟洋盜之張大興等二名又會營拏獲通盜銷贓林德進等二名

并獲贓物又拏獲運鐵濟匪吳老長一名又會營  
拏獲接濟洋盜酒米等物匪犯方亞倫等十名饒  
平縣知縣唐文藻稟會營拏獲私賣酒米食物接  
濟洋匪麥亞比等四名署海陽縣知縣馬緯雲稟  
盤獲受僱運煤夾帶鐵劬匪犯李吼一名及船戶  
蔡成祖一名新會縣知縣徐鑑稟會營拏獲交通  
洋盜持接引贖之梁亞爛等五名并艇一隻雷瓊  
道海祥稟會同瓊州府張增飭令文昌縣李友枚  
及武舉楊輝拏獲通盜賣礮匪犯馮坑上等二名  
署澄海協副將王國寶稟拏獲私運大鹿茸出海



民人林喜進等三名碣石鎮洪蕃鎬稟把總吳連  
高拏獲買米連往賊船之鄭興相等四名歸善縣  
知縣康傑稟拏獲通盜奸匪陳拔疇一名署電白  
縣知縣盛植才稟前後拏獲通盜濟匪之吳聯豐  
等四名署高州府知府唐錞稟會營拏獲私造火  
藥接濟匪犯溫正昌等二名署吳川營都司盧端  
會同吳川縣朱振聲拏獲私帶火藥接濟洋盜之  
招觀高一名吳川縣知縣朱振聲詳會營拏獲私  
運瓜酒食物接濟匪徒姚祖堯二名春江協都司  
李朝雄稟外委李廷玉拏獲往賊船贖船之李保

連等四名雷州營叅將富珠隆阿稟拏獲私運桐  
油米石接濟匪徒吳有明等五名署雷州府知府  
宗聖垣等稟拏獲代盜銷贖并接濟酒米匪犯及  
上岸代盜買米之犯吳潮注等三名署雷州府宗  
聖垣嘉應州戴錫綸代理遂溪縣知縣段長基會  
稟緝獲接濟米糧銷贖匪犯陳歧沙二等六名代  
理遂溪縣知縣段長基稟先後拏獲買米接濟匪  
犯林三符許有昌等七名陞任高州鎮總兵許文  
謨稟拏獲私造火藥通盜匪犯周上昌等二名惟  
是向來洋匪全仗土匪勾接今既嚴加搜捕該犯

等覓食維艱愈思上岸打劫臣慮及此屢經嚴飭  
加意防守詎歸善縣所屬之盤沿東西兩礮臺竟  
被洋匪攻破劫去礮位軍械傷斃兵弁當獲賊犯  
陳亞石一名現在飭提該臺弁兵等并所獲賊犯  
解省從重究擬另行具

奏并飭沿海文武懸賞購線偵緝務將本案首夥各盜  
拏獲嚴辦茲據該縣康傑稟小漠鄉洋面有盜船  
一隻經役勇駕船擒捕拏獲羅火生等十四名并  
獲箭三十七枝俾上有惠協右營等記又無字記  
箭四十四枝因捕匪人衆將匪船蹈沉淹斃盜匪

十餘人鄉勇林亞旺等五人亦被淹斃又據惠潮  
嘉道吳俊稟鹿欄埔鄉民陳士敬等指獲盜匪馬  
建一名係隨同盜首黃正嵩從碓州東來在歸善  
鹽州地方打劫東西礮臺殺傷兵弁搶去礮位烏  
鎗之犯又據鷺埠司巡檢徐維珩稟在百安鄉海  
壩拏獲盜匪鄭賢德等四名內鄭賢德卽係隨同  
打劫盤沿礮臺夥犯各等情以上各獲犯統計六  
百四十餘名囚人數衆多俱速提解省督飭悉心  
研鞠按律定擬務得及早清結以清囹圄再行彙  
奏分咨可省煩瀆又據師船委員試用從九品降

旭昇稟風聞漁船人說盜首鄭一與另幫盜首烏  
十二於六月間在大澳洋面搶劫猪船得猪二三  
十隻因分猪起衅彼此插旂對仗傷斃賊匪數十  
名後至海門地方復行對仗又傷斃賊匪百十餘  
名打破賊船數隻俱向外洋駛去等語查洋盜素  
相聯絡一氣遇事互相救援所以恣行海上今因  
其自行伙併乘此機會上緊緝捕或竟將大股賊  
匪藉此殲除亦易於爲力已嚴飭舟師相機籌辦  
伏查洋匪雖多大半由於盜首之擄捉威脅其甘  
心從盜者實屬無幾臣到任後卽於各海口出示

曉諭有能殺賊投首者寬其既往予以自新茲據代理澄海縣王元鳳稟有被盜擄捉逼脅服役不甘從盜殺死賊匪三名斫傷一名逃回投首夏阿南等八名並繳到船一隻百子礮二門刀十把海豐縣鵞埠司巡檢徐維珩稟許阿內等八名殺賊三名投首又胡亞發等二十五名殺賊首紅痣狗等投首并繳到大礮三門吳川縣知縣朱振聲稟黃亞金等十名先因被盜捉擄押令服役不甘從盜殺賊三名賊婦一口逃回投首又據稟被盜擄捉逼脅服役不甘從盜乘間逃回林明光等三名

赴麻斜汛投首又稟赴營移送被擄不甘服役乘間逃回杜亞璫等六名海豐縣張再英等稟有縣屬浪涌鄉職員徐績等帶領被盜擄捉不甘爲盜殺賊一人逃回投首之鄭章盛等十六名并繳到船一隻五百觔大礮一門過山礮一門刀九把新寧縣王志槐稟有被擄逼脅入夥不從乘間殺死賊匪六人逃回投首之林觀養等十名並繳到船一隻百子礮二門子母礮一門以上先後投首共八十六名伏查該民人等不甘爲盜并有殺賊之功不可不卽加鼓勵臣隨驗有才具可用者分別

其中或起意爲首殺賊之投首人酌量補給外委  
或額外外委馬步名糧卽令跟隨緝捕不願入伍  
者亦俱妥爲安插不使一名失所以示招徠臣自  
督辦以來各屬文武功過尙未綜核密俟確查擇  
其出力拏賊者仰懇

天恩准

臣

會同撫

臣

孫玉庭秉公保奏謹

奏

嘉慶十年七月二十日軍機大臣字寄奉

上諭那彥成奏拏獲外洋內河陸路各盜匪並勾通接濟  
之土匪一摺粵東瀕海地方盜劫頻仍經那彥成嚴飭



文武多方緝捕此次先後弋獲盜匪土匪統計六百四十餘名現俱飭提解省審辦著那彥成等於案犯提到後迅速督飭鞠訊分別定擬具奏早就清結至所稱此次先後投首民人八十六名不甘爲盜並有殺賊之功不可不亟加鼓勵該督隨驗其才具酌量補給外委名糧妥爲安插又據稱各屬文武功過容俟確查擇其出力拏賊者保奏其不肯出力者一體查叅等語地方文武緝捕不能出力者旣已查叅示懲則奮勉之員自當量加獎賞但此係本省捕盜與軍營打仗殺賊出力者不同那彥成曾任叅贊不可視同軍營保奏人員懇請

賞戴花翎藍翎亦不可臚列多人開單籲請惟當擇其實在捕盜勤能出衆者遴選數員秉公保奏或請給議敘或賞給陞等陞銜其未有實缺之員或請令儘先補用已足以示恩施而昭鼓勵至賊中投首之人尤當詳細訪查明確果係內地良民被盜擄脅不甘從賊因而殺賊獻功赴官投首者自應加之拔擢若本係盜匪或因窮蹙來歸則其平素所犯劫掠傷人之罪不知凡幾卽因悔罪自新亦不過貸其一死已屬法外施仁豈可令其濫膺恩賞乎

岑安謹案此奏內各犯於是年七月初一等日

審明定擬具

奏照大逆例凌遲四名照江洋行劫大盜照響馬強盜  
例斬決四十五名戮屍八名照逼勒接贓一次  
例發往黑龍江爲奴五十名照強盜父兄知情  
分贓例軍流一名照被擄服役例杖徒三十二  
名省釋被脅無辜四十名同奉

硃批刑部速議具奏

嘉慶十年七月十八日

奏爲酌量情形條奏請

旨事竊<sub>臣</sub>辦理洋盜以來欽奉

廟謨密查口岸嚴斷接濟銷賊以絕奸宄而清盜源業經查獲多名於彙

奏摺內詳細列入但去莠固以安良卽民愚亦須矜憫自應仰體

皇上好生之德遇事

奏明恭請

訓示查律載奸徒偷運米穀潛出外洋接濟奸匪者擬絞立決又沿海地方奸豪勢要及軍民人等私造海船夾帶違禁貨物下海潛通海賊同謀結聚及爲嚮導劫掠良民者正犯比照謀叛已行律處斬梟

示全家發近邊充軍又例載凡地棍奸牙違禁將  
米穀麥豆稞糧偷運出口及在洋接濟奸匪者該  
管各官照違禁出海例分別查議又違禁出海該  
管州縣不知情革職永不敘用該管府道各降三  
級調用各等語查粵東現經拏獲通盜濟匪各犯  
其審係積慣通賊者自屬法無可貸惟有一種濱  
海愚民不過爲些微小利冒法行險如內地買物  
每價一兩盜匪可出數倍移賤就貴其實亦不知  
例禁之嚴至干立決現破拏之犯往往有數兩之  
贓而不得不按例定擬若其中私通接濟至盈干

累萬或如船隻軍火等項或實有勾結情事自不容少追而無知之民私相買賣爲數無多實覺贓輕法重臣受

恩深重身任封圻亟應推廣

皇仁合之現在情形稍爲變通辦理應請將贓在十兩以外者按律治罪其在十兩以內者卽照洋盜之接贓例定擬其有心接濟勾通者雖一兩以下亦不援減地方官有實在不能振作一任奸民來往勾通接濟者經臣等查出自卽隨時叅

奏治罪若因從先失察後知愧奮將勾通接濟奸民自

行查拏稟報者亦應請免其處分在各員自當倍  
加感激實力查拏亦可免回護諱匿之弊庶於辦  
理洋匪淨絕盜源似有裨益臣愚昧之見是否有  
當伏懇

皇上睿鑒

勅部議覆施行謹

奏奉

硃批該部議奏

嘉慶十年七月二十五日會同廣東巡撫孫公玉  
庭

奏爲續經拏獲外洋內河陸路各盜匪併接濟之土匪

彙摺奏

聞事竊臣等仰蒙

聖訓一面督捕外海一面先嚴內地勾通接濟不除不足  
以致盜之命陸路內河土匪不除久之亦終增盜  
黨半年以來辦理少有眉目所屬各文武近日亦  
漸能多方設法認真緝捕茲據陸續拏獲外洋內  
河陸路並接濟盜匪之犯各具稟前來署澄海協  
副將王國寶稟署千總陳國亮革職知縣楊桂蔭  
拏獲洋匪陳亞聯等三名被擄船戶許亞春一名



又稟把總謝逢貴同外委麥文高拏獲洋匪杜廷  
貴等三名又稟署把總陳鎬拏獲洋匪陳亞梅等  
三名署海康縣高經祥稟典史方祖彥巡檢程志  
廣會營先後拏獲呂發等十七名又稟會同候補  
府經歷金鳳池千總金世理拏獲洋盜陳亞二陳  
相二名又稟典史方祖彥拏獲勾引擄劫匪犯陳  
妃林等二名署大鵬營外委劉大光拏獲盜匪張  
亞七等四名並三板船一隻挑刀四把又外委賴  
鷹揚拏獲被擄押禁之陳亞發等二名護左翼鎮  
林國良稟巡至新寧縣屬下川尾外洋拏獲代盜

押運鹽飭匪犯黃文富及舵水人等共三十六名  
并船一隻又署廣海寨遊擊黃朝輔及船戶和台  
在洋擒獲盜匪林亞廣等一十四名口並獲銅礮  
一門百子礮二門竹槍十二枝電白縣盛植才稟  
電茂場大使姚鈞盤獲被擄服役王亞尙張氏二  
名口又稟拏獲洋匪梅瑞初一名署電白營都司  
王應詔稟把總鍾鳴貴外委邵天喜盤獲被盜押  
禁趙充昌一名雷州營叅將富珠隆阿稟額外外  
委王臣敬督同縣役拏獲洋匪陳蔡林一名揀發  
知縣李湮惠州府司獄許章琿會稟拏獲洋匪賴

亞九等三名又拏獲練紀壽一名歸善縣康傑稟  
平政司巡檢黃光綸拏獲被擄逃回之許成坤一  
名潮州鎮總兵武隆阿稟千總林天暢協同縣役  
拏獲搶劫案犯林亞禹一名又拏獲洋盜朱潰夥  
匪陳亞和一名海豐縣鰲埠司巡檢徐維珩稟會  
營先後拏獲洋盜畢亮韜等六名署惠州協副將  
馬兆瑞稟小漠汛兵駱得鳳等拏獲洋盜方亞好  
一名該鄉民歐孟祥等擒獲洋盜陳亞養等三名  
婦女四口並船隻器械又拏獲林亞機一名吳川  
營都司盧端稟督同千總陳勝先後拏獲洋匪易

清等六名東莞縣陶必榕稟候補把總李得興等  
拏獲洋匪莊亞七一名署惠來縣李應均稟拏獲  
盜犯陳亞搭等三名那扶營都司林克順稟把總  
蔡邦拏獲洋匪陳亞合等二名電白營都司王應  
詔稟外委朱秋元同博茂場差役拏獲洋匪李亞  
什等二名新會營叅將楊森新會縣徐鑑會稟干  
總余得彪等擒獲洋盜謝亞三等十三名並大礮  
二門藤牌刀槍旂鼓等項海豐縣張再英稟署歸  
善縣丞齊守業拏獲洋盜鍾懷端一名署通同劉  
光輝稟拏獲洋匪鄭亞尙等五名並盜船一隻器

械等物署石城縣劉敬熙稟會同化石營都司鍾垣拏獲盜匪蔣邵歧等三名轟斃盜匪三十餘名署東莞營都司胡光烈稟署千總袁綱拏獲洋匪陳敬衆一名代理饒平縣傅修孟稟拏獲盜犯蘇亞引一名署陽江縣辛朝俊稟海陵司巡檢宋至龍拏獲洋匪楊承祖八名賊婦陳氏等二口並撈獲鐵礮一門匪船一隻又稟縣丞黃宗薦拏獲盜匪陳亞二等五名新寧縣王志槐稟投首民人潘長洲等縛送洋盜朱佳城一名以上皆在洋爲盜之犯署順德協副將楊長棟稟外委陸廷揚拏獲

船戶喊稟勒寫欠字之匪犯蔡長發等三名又稟  
外委鍾朝英拏獲盜犯梁亞丁吳亞寶二名又稟  
把總李鎮邦帶同縣役拏獲盜犯梁云芳等五名  
原任惠州府知府楊楷會同順德縣沈權衡香山  
縣彭昭麟新會縣徐鑑新會縣丞金惠忻千總楊  
光余德彪等督帶兵役乘坐巡船捕獲王亞二等  
二十六名併起獲線人黃葉開指出在艮潭埋藏  
之生鐵礮一門子母礮六門礮子十一觔封口子  
半壩烏鎗五桿腰刀六把鎗刀四十件順德縣沈  
權衡稟會同署番禺縣吉安香山縣彭昭麟及順

德協弁兵拏獲盜匪黃葉有等二十九名新會營  
叅將楊森稟把總馬如龍督同縣役拏獲盜匪羅  
朝輝一名署番禺縣吉安稟拏獲盜犯梁亞六等  
四名又稟會同東莞縣陶必榕順德縣沈確衡增  
城縣程義莊拏獲盜犯林就源等三名香山縣彭  
昭麟稟拏獲盜犯陳大隻四名南海縣生員吳連  
拏獲盜犯歐陽容信等六名又關敬奇一名佛山  
同知官德稟拏獲順德縣巨盜陳亞才一名撫標  
右營守備劉博稟拏獲盜犯趙亞清等二名開平  
縣吳廷揚稟拏獲盜犯黃亞子司徒昭茂等十三

名高要縣王承熙稟會營拏獲匪犯陳亞四等七  
名羅定協副將和隆額稟外委區衡昭督同縣役  
先後拏獲吳茂和等三名又解到自行投首賊犯  
曾亞陳一名肇慶協副將三格稟把總翟鵬飛拏  
獲搶奪婦女之黃亞全等四名並賊艇一隻原任  
福建金門鎮總兵何定江稟拏獲盜匪吳長高等  
五名廣海寨外委蕭顯揚拏獲匪犯余亞超一名  
順德協副將楊長棟稟千總李鎮邦拏獲匪犯吳  
和恒等四名三水營都司富僧額稟把總楊嵩拏  
獲匪犯鄧以進一名順德縣沈權衡稟會同順德



協場長棟拏獲盜犯吳禮江卽七指等二十三名  
又稟會同香山番禺新會各縣及把總朱明亮等  
拏獲盜匪盧卓城等二十一名新寧縣王志槐詳  
拏獲盜犯袁亞九一名督標中軍副將劉惟馨稟  
署都司楊大鵬拏獲盜犯梁有名一名以上皆內  
河盜竊之犯督標中軍劉惟馨稟把總莊興貴拏  
獲賊犯區會蕃一名積賊黃亞宗一名又稟把總  
羅明太拏獲匪犯梁亞三一名又稟守備盧朝光  
拏獲賊匪羅亞煥一名增城營叅將寶興稟拏獲  
賊犯鍾三貴一名又稟弁兵會同縣役拏獲賊犯

姚亞賤一名璧慶協副將三格稟把總陸廷顯拏  
獲賊犯黎三鳳一名賊犯蕭亞執等二名又稟兵  
役拏獲用藥迷竊之匪犯鄧世宗等三名高要縣  
王承熙稟會營拏獲匪徒徐士活等二名又稟拏  
獲賊匪嚴近英一名又稟會營拏獲迭竊賊犯黎  
亞三等二名署右翼鎮遊擊倭恒額稟把總張振  
鳳拏獲窩匪周東奇一名又稟把總吳福元督同  
縣役拏獲賊犯潘斗隆一名又稟拏獲賊犯劉詩  
璧等二名又稟把總張振鳳拏獲賊犯徐樹仔一  
名督糧道章銓稟巡檢章予之拏獲匪犯甄基彥

一名督標水師營叅將陳耀稟外委龍會陞拏獲  
積匪鄧亞雄一名黃柱良一名署潮州府劉光輝  
稟前署揭陽縣李湮會同署遊擊陳灝督同署潮  
口司巡檢周福玉拏獲私賣火藥匪犯蔡阿嚴等  
五名潮陽縣謝濤稟拏獲劫犯劉阿蕙等三名清  
遠縣迴歧司巡檢方士俊稟拏獲盜犯馬亞成一  
名鶴山縣懋世方稟率同典史龔廷樞拏獲盜犯  
楊亞二等四名英德縣李逢泰詳泮口司巡檢沈  
南齡拏獲盜犯黃亞德等三名署永安府丁方洲  
詳會營緝獲賊犯曾亞秀等五名署始興縣莊自

儀稟獲搶犯魏朝皮古魏僦皮古二名潮州城守  
營守備王大魁稟外委許振鳳拏獲賊犯潘福壽  
等二名署乳源縣朱榕稟會營拏獲盜犯鍾丁賢  
一名博羅縣梁寶繩稟會營拏獲逸犯莊亞相一  
名從化縣劉念典稟會營拏獲賊犯董亞道等三  
名三水營都司富僧額稟把總楊嵩拏獲賊犯何  
能昌等二名候補縣丞劉子揚稟拏獲賊匪高瓊  
有一名新會縣王志槐詳拏獲盜犯游亞壽等六  
名又詳拏獲逸犯朱光迪一名署曲江縣宋其煒  
稟濠裏司巡檢李廷蘭拏獲匪首林汝富一名增

城縣程義莊詳拏獲賊犯劉亞檢一名署儋州知  
州孫海觀詳拏獲兇賊李亞肥等四名代理南海  
縣王衷詳拏獲兇賊彭亞養一名署陽山縣劉承  
龍詳拏獲賊犯盧亞挽等六名署右翼鎮唐光茂  
稟把總劉燦榮拏獲匪犯李應春等三名韶州府  
王衍福稟礫下司巡檢沈國鴻會同把總劉燦榮  
拏獲著名爛患黃斷達一名順德縣沈權衡詳拏  
獲盜犯周禮詳一名又詳拏獲兇盜周華觀一名  
又詳協同營兵緝獲案犯陳亞貴等三名西寧縣  
沈寶善詳拏獲竊犯嚴居化一名普寧縣鄭承斐

詳拏獲賊犯陳朝祿一名三水縣洪先燾詳自行  
投首兇賊禍會東一名東安縣朱一謙詳會營緝  
獲賊犯陳標等四名代理澄海縣王元鳳詳緝獲  
賊犯郭武魁等三名候補巡檢張家順稟拏獲匪  
犯余表活一名署那扶營都司林克順稟拏獲賊  
匪區亞長一名南雄協把總辛佐才稟拏獲賊犯  
周串耳一名南雄協副將何君佐稟拏獲匪犯鄧  
柱斗等七名又稟保昌縣典史鄭慶長拏獲劫犯  
陳運山一名清遠縣知縣饒應泰稟會營拏獲私  
挖磺砂犯人馮可先等五名提標後營遊擊唐文

才稟記名外委朱班等拏獲會匪馬東山等二名  
督糧道章銓稟紫泥司巡檢章予之拏獲會匪曾  
亞妹一名以上皆陸路盜竊爲匪之犯署海康縣  
高經祥稟拏獲通盜濟匪林拔元等二十名又稟  
會同把總榮陞拏獲代匪銷贓之黃卷登等四名  
併船一隻及搭船回家之高那養一名又稟會同  
外委林應陞盤獲私運酒米濟匪鄭老尾一名陳  
其貴一名巡檢程志廣拏獲通盜李維反等二名  
典史方祖彥拏獲代盜運送酒米匪犯吳瓦堂一  
名護左翼鎮林國良署香山協副將許廷貴海口

營叅將何英會稟外委方正剛拏獲代人向盜贖  
回船隻周亞潤一名潮州府朱爾賡額稟拏獲積  
年濟盜匪犯林光明一名署雷州府宗聖垣稟拏  
獲濟盜匪犯鄧大爹一名署高州府唐錚稟拏獲  
濟盜匪犯龐日新一名又稟督同石城縣劉敬熙  
拏獲濟盜匪犯何蓮等二名新寧縣王志槐稟盤  
獲通盜匪犯譚大保等五名並搜獲銷贓單物代  
理遂溪縣段長基稟拏獲販米濟盜之彭添眷許  
老赤二名併知情運送之竇施仁一名署瓊州府  
同知宮秉鑑稟會同文昌縣李友枚拏獲代盜買



硃

贖得賊之韓羅銅一名督標中軍副將劉惟馨稟  
 守備張仁訪獲通盜濟匪之陳老大等二名歸善  
 縣康傑稟紳士鄧時宜解到濟匪吳亞保等六名  
 惠州府陸元宏稟拏獲接濟匪犯楊向堂一名以  
 上皆通盜濟匪之犯統計獲犯五百餘名口現飭  
 名俱無口供實屬奇聞汝心隨境易放縱省修視朕亦好過縣  
 飛提省城迅速審辦俟積有數案及十案內外卽  
 勞以省奏廣為愛君汝大誤矣可惜用汝之苦衷又成畫餅矣  
 由驛具

奏一次庶辦理簡易不致屢煩驛遞臣等仍不時嚴督  
 文武實力緝拏務期海疆綏靖商旅無驚以仰副  
 我

皇上委任之至意再盜匪在洋事事必須岸匪接濟故到處皆有勾通之人臣等欽遵

諭旨先清土匪爲制盜之源卽一二負販愚民肩挑些微食物賣與盜船亦必嚴密查拏按律辦理令該犯等不能來去自如食窮路絕是以時思上岸搶劫其人烟稠密處所經臣等示諭紳耆良戶以守望相助之義均能堵禦嚴密失事尙少惟孤懸海上之礮臺汎地間被蹂躪近據報到潮陽縣之蓮澳礮臺歸善縣之大星汎被劫現在飭提礮臺汎地各弁兵等到省確審文武踈防情形分別功過從

實擬辦另行具

奏又新安縣佛堂門礮臺於六月二十三口有三板匪船十餘隻賊匪數百人登岸手執紅旗十餘面各持器械蜂擁而來攻圍礮臺經貼防外委劉玉章督率兵丁奮勇拒敵自寅至午打傷賊匪多人傷斃二名賊見守禦嚴密不能攻擊紛紛逃回匪船駛逸並獲所棄紅旗鎗刀火箭噴筒各件又海豐縣之長沙礮臺於閏六月十六日夜有大小匪船十餘隻由外洋駛入內港攻擊礮臺正在危急之際經署守備李用縣丞戴玉衡帶領兵役馳往救

援內外犄角直至天明該匪始行逃竄外委陳朝  
勲被礮傷斃兵丁梁大陞等三名俱受有重傷臣  
等聞信之下卽飛飭各路舟師及沿海文武務將  
打劫礮臺各犯悉數擒拏懲辦以彰

國法而快人心惟外委陳朝勲能捨身護救實爲可

憫應懇

殊

是

恩照陣亡例議恤其受傷兵丁臣等已俱加賞資以示獎

勵謹

奏

嘉慶十年八月初七日奉

硃

上諭那彥成奏審明洋盜通盜濟匪各犯分別辦理彙摺奏聞一摺據稱目下獲犯較多若循舊逐案具奏罔圖既多擁擠而逐件具奏亦未免事涉煩冗將審結之案或十案或十餘案彙摺奏聞一次等語所奏殊不成詣該省拏獲洋盜及各項匪徒均係問擬重辟居多該督於審明後自應逐案奏聞候旨交部核辦豈有彙摺具奏之理朕日理萬幾從不稍憚煩勞至於刑名案件人命至重凡外省奏到審案及部臣核議奏疏無不將情節供勘詳細披閱始行定案那彥成到粵以後朕何嘗以該省案件較煩諭令稍從簡便乃輒稱逐件具奏事

硃

涉煩冗耶

此次

試思一摺之中敘述至十數案頭緒既煩人

情節交部從何核議跡似擔傷所辦大謬

犯重多且此內尙有該督審明後業經恭請王命正法

之犯轆轤不清若云目下獲犯較多則從前之該省獲

犯亦復不少該督但能迅速審辦由驛馳奏候結又何

患囹圄壅積乎督撫爲封疆大吏無此辦事之法看來

那彥成竟不免心存憚煩任意更改舊章著傳旨申飭

硃

仍交部議處所有本日彙奏各案一摺著發還交那彥

硃

四百里

成核明各歸各案分晰定擬由驛馳奏毋得再有草率

所有此次被礮傷斃之外委陳朝勲著咨部照陣亡例

賜卹

嘉慶十年八月二十一日軍機大臣字寄奉

上諭據那彥成等奏續經拏獲外洋內河陸路各盜匪土  
匪彙案奏聞一摺所奏非是前因那彥成將通盜接匪  
各犯彙案具奏當經降旨申飭並交部議處此次所奏  
續獲盜匪統計五百餘名尙未詳敘供詞仍欲俟審明  
後併案奏聞希圖簡便事關盜匪重案豈容任意草率  
試思案情各有不同罪名亦須分別科斷若籠統牽混  
將如何發交部議耶卽如本日那彥成等另摺所奏拏  
獲疊劫盜匪各犯亦係併案辦理因案犯尙不致過多  
是以批交部議然已頭緒紛亂供情未能全備朕日理

萬幾披覽章奏從不稍厭煩多那彥成等身任封疆大  
臣於緝捕案件不應自憚煩勞若以省奏牘爲愛君則  
負朕簡任苦心矣那彥成等著傳旨申飭嗣後凡遇爭  
獲盜案務須審訊明確分案辦理速爲完結卽恐多費  
驛站亦應於由驛馳奏時分繕數摺一併封入馳遞毋  
得仍前草率

嘉慶十年八月初十日

奏爲恭奉

恩綸據實明白覆奏事本年八月初九日臣摺報回粵欽  
奉密封



諭旨<sup>臣</sup>伏地百叩骨顫汗流不能起立伏念<sup>臣</sup>少無學問

長沐

生成

皇上念係阿桂之孫望其成人繼祖爲

國家出力爲有用之才數年間由書生用至六卿統兵  
叅贊乃以措置乖謬辜負

恩慈分宜終身屏黜乃蒙棄瑕宥肯復試以諸曹之事洵  
還其舊日之階

恩重咎深愧多感集更

厯念邊疆緊要

界以總督重任數月之內由陝甘調任兩粵莅任以來見  
粵東之患莫大於洋盜而緝盜爲總督之專責

皇上委任

臣

亦以此爲至急至要之務惟

臣

無識無才年

輕識淺從前爲

欽差到粵時雖曾訪知通省梗概而於海面口岸實在情  
形盜匪實在踪跡勦捕如何著手一切茫無把握  
若貿貿從事則盜情詭變百出捕盜兵役伎倆亦  
詐僞無窮以臣一人之精力心思欲辦此滿海之  
賊加以事事生疎必致無功貽誤查通省海面三  
千餘里曲折盤錯實有五千餘里水兵調海者一

萬數千名造船鑄礮徵兵撥餉交撥紛紜旁午不  
過無用兵之名其實與用兵無異臣自分此事斷  
非一人智慮所能辦理是以博訪周諮虛衷求益  
詳查從前案卷每年雖屢有獲盜而盜仍有增無  
減至近日則遍海皆是海有數萬之盜盜有千號  
之船從前輿論播傳殆非訛謬緣海中之賊卽係  
岸上之人岸上有人窩盜爲之接濟銷贓則今日  
海中殺千百之賊明日岸上又逃下千百之匪海  
中岸上是二是一辦理之法誠如

聖諭總應截清洋匪陸匪勿令勾結之後先辦陸匪則洋

匪不攻而自靖臣欽悅佩服惟有敬謹遵循首先查辦

接濟岸匪以冀洋匪漸除漸少此事從前實未經辦及臣恪遵

指示後下手方合機宜非欲自炫其長形人之短也查捕盜貴嚴審盜貴速又貴密密速之道非以羣力羣策爲之則不能集事臣識見既未能深遠精神又

未能周到雖有幕友只可料理尋常文書稿案日行之件令其記載出入若少有關係緊要者仍必須親自辦理至於海疆捕務更不能幫助盍審辦盜匪在岸必究其窩家夥黨在海必究其係屬何

幫係何頭目而尤要者何人爲之勾通接濟若會  
匪則必有倡首之人何年傳習何人何處黨羽若  
干前在公所審犯時竟有強盜行賊圖脫且有以  
盜保盜者事龐人稜消息最易漏洩是以臣將此  
事移至署中辦理臣就近即可督審曾經附摺

奏明以期密速查辦之始係令藩臬兩司總司其事各

路修理兵船製備礮械籌撥銀糧其事仍歸藩司

解到盜匪

臣

立時督審審出岸匪接濟窩家會首

一面撥員赴拏仍將人犯交臬司復審定案

臣

糊

塗愚見原欲集思廣益能速而又能密以期實效

數月以來海上打仗經官兵擊斃落海生擒與夫  
各路拏獲勾通接濟奸匪及內河陸路土匪並洋  
盜水米缺乏窮蹙投誠者不下三千餘人實皆仰  
仗

皇上燁赫天威

廟謨指授

臣

得有秉承而各文武皆知專志辦賊合心協

力鼓舞奮興似可漸挽積玩之習惟因查辦以來  
兩司意見不免參差緣藩司廣厚明白急公凡於  
捕盜有益之事無不向臣切直指陳遇公事常有  
斟酌稟阻而任勞任怨不必盡如人意往往取忌

同寅卽以目下情形而論海中岸上陸路內河強劫勒贖接濟之事無日無之會匪則遍處皆有不過伏而未動一經訪獲供夥動盈千百起出經詞違悖不經閱之令人髮指該司廣厚能將洋盜路數情形會匪糾煽踪跡及海岸勾通接濟伎倆於平日卽訪明首從將名單密向臣告知臣得知實情密訪查拏不至張皇虛枉平心而論臣身受

渥恩肩斯重任地方之情形如此

皇上之責望如此是粵省之安危休戚與臣之身家性命相連通省文武大小官弁以及紳士耆民苟有一

計一言之得臣均當虛心延攬以期有裨於公而自免罪戾何況廣厚世受

國恩正當幫助臣辦理此等大事且凡屬軍務錢糧行於

藩司刑名行於臬司臣從未專委藩司一人審定

盜案均有行文印稿可憑至前任臬司秦瀛才識拘迂不勝繁劇粵省案件本多由伊遲悞者亦復不少臣初到時卽論以審辦洋盜必須追究勾通

接濟伊意思似不以爲然屢次送審並不研究所

有獲辦勾通接濟之犯均係臣親提審出現有案

卷可查至督撫會審洋盜係臬司專責乃公堂之



上居然耽睡曾令巡捕喚之則知其心並無辦賊之志可知臣見該司多病無才原欲再行察看一兩月據實具奏因其蒙

恩陞任浙江藩司雖未得邊奏亦擬將來密陳至臣之設局專辦洋盜會匪土匪以及勾通接濟傳習黨羽強盜窩主審出卽拏獲到卽辦其罪名輕重仍由臬司定案詳叅並不從局中定案達部通行惟求密速於體制實不敢更易他若刑名錢穀案件係巡撫衙門專政者遇有通詳會稿辦理之件臣亦必細心推勘外此則從無過問臣糊塗之見專心

查辦洋盜會匪是以專設此局不過欲令通省大小官弁兵民人人心中知有此專局卽人人心中知洋盜會匪之可恨無不矢志同仇爭思用命可望有功臣將辦理洋盜局移於署中一切加嚴加密且屋宇無多並非另有更制究竟臣年幼無知因急公而踈於世故旣妬臣之

龍眷復忌臣有事功逞其陰中之技竟以此上煩

睿廑但臣受

恩至重無論軍功局之設與不設亦必乘此少有順利之機誓必掃除洋盜此志此心雖死不瞑務以杜讞

問之口上酬

君父用人苦心至臣自莅任到今已屆八月每日卯初卽起接見官員議論公事至午未時方散而文書稿案絡繹紛紜考驗官員提審人犯無不親手裁辦至亥末方能休息若遇要事燈下見官亦所時有此實通省文武均知之事八月內因各官稟見稍遲令巡捕傳知先到者先行進見是日適藩司先到當卽傳見一面牌示各官務於卯正齊集挨次進見議事以便各人及早回衙門辦事牌文在案敬將原稿呈候

御覽

臣

自從前得罪以來自分虛有此身無顏可對

君父而

皇上恩私曲逮始終欲其改過成人今復蒙

恩授以海疆重大之任是

臣

頂踵髮膚無非

聖明再造即使勞苦倍人十百尚不足以贖罪即使尅日

將海賊辦盡亦不足以酬

恩若不顧咫尺

天威輒自意耽樂逸則是失心狂易豈可復齒人倫大抵

酒筵歌舞之事乃奢縱者之所爲

臣

精神用度摶

節之尙日不暇給若恒舞酣歌則非有寬閒之光

陰有餘之財力不能爲此臣計二月至今省中餞  
送公讌及臣母親到署共演戲十二次此省會官  
民及臣衙門文武巡捕等所共聞共見者亦可查  
問際此海氛不靖

聖主焦勞臣不但無逸樂之事並不欲有逸樂之心乃蒙  
聖明垂詢及此輾轉思之惟有憂惶慚悸而已臣質本迂  
疎閱歷又淺一心惟欲整飭廉隅以濟公事故總  
督衙門原有洋行規費六萬六千圓花錢臣俱不  
欲收受監督延豐近在同城并各商俱在

皇上可以降

旨查問鹽務中亦向有總督公費銀三萬兩

臣

以現在捕

盜緊要經費繁多鹽務既有此項自當作爲公用  
每一千兩交中軍掌管凡遇捕盜不能開銷之款  
俱於此內支用仍按月造冊鈐印備案亦可清查  
再肇慶府之黃江厥原係總督所管之園田知府  
徵收臣現令其查明稟覆亦斷不肯沾染此外節  
規壽禮一切禁絕至衙門日用全恃

皇上所賞之養廉除去扣款外每月得銀七百餘兩幕友  
七人修膳與夫一切家人夫役工費飯食之用尙  
未見足豈能歌舞歡娛復增浪費此等委瑣之事

原不應奏瀆

聖聰致蹈矯廉希

恩之習今奉

諭旨訓飭不得不據實陳奏

臣前經具奏若在

聖主前少有欺詐舉家必食其報

臣一身與妻子卽無所

惜寡母尚在苦節數十年

臣又何忍其哀邁之年

應此不吉之誓語茲幸遭遇

聖明垂慈婉轉下詢區區愚悃尚可少陳一二倘不蒙

詢問是

臣

不自知亦終身不能表白

臣

之罪滋重矣此事

係

臣

立身事

主大節所關若朦朧虛實則

臣

杌隉徬徨心神一日不定

又將何以任事伏惟

聖明鑒察驚悚惕息語言不知所措所有奉到

密諭謹遵

旨呈繳叩謝

天恩并據實明白覆奏謹

奏

嘉慶十年九月十九日軍機大臣字寄奉

上諭那彥成接奉硃筆諭旨另行覆奏一摺覽奏已悉據所奏情形該督在粵尙無恒舞酣歌自耽安逸之事實



所深願至因公宴會演劇亦所不免那彥成受恩深重  
惟當益矢慎勤不可因此貽悞公事爲要至在督署設  
局辦理洋盜此則不可緝捕洋盜固當慎密辦理以免  
吏胥走漏消息但不必因此另設公局名目轉涉不經  
該督以廣厚尙能辦事秦瀛則精神少遜今朕早將秦  
瀛陞任浙江藩司該省新任臬司吳俊才具明練堪以  
委辦該督正當與孫玉庭督率兩司同心協力妥爲籌  
辦以期漸靖海洋不可稍存成見方於公事有益又據  
稱將一切陋規概不收用亦可不必外省應辦公事需  
費甚多地方陋規如實係無關利弊者相沿旣久不妨

仍循其舊以資公用卽如另摺所奏籌添礮火一事該省現當捕務喫緊之際礮位鉛火自應寬爲添置均照所請辦理除作正開銷外所有例價不敷之項那彥成或卽將陋規銀兩貼補應用俾該省稍節捐費亦無不可總之以公辦公轉不必過於剔除致形竭蹶那彥成自能善體此意也原摺留存其示稿二紙著發還

嘉慶十年八月二十八日會同廣東巡撫孫公王  
庭

奏爲大夥盜匪投誠分別妥爲安置事竊臣等前次具  
奏拏獲外洋內河各盜匪案內曾將各屬先後稟

報被盜擄脅不甘從盜逃回投首之夏阿南等七  
起共八十六名分別辦理各緣由附摺

奏明在案

臣

等敬謹遵奉節次

皇上指授機宜嚴立章程禁絕水陸奸徒勾通接濟近來  
仰仗

聖主威德照臨各口岸員弁亦能認真舟師稍有稽考而  
盜匪漸次乏食窮蹙臣等又相其機勢廣爲出示  
曉諭許以自新寬其既往近日聞風歸化接踵而  
至者頗多必得辦理妥善庶海洋可冀廓清今據  
前任惠州府知府楊楷海豐縣知縣張再英等各

稟報該縣典史調署鰲埠司巡檢程長發率同客  
紳大埔縣監生杜嘉明鄉勇夏目言羅維萬吳懷  
德線人劉富洪安和等招諭賊首袁亞明帶領餘  
夥及水手舵工共三百零一名口繳呈大開波船  
一隻齊桅船一隻大拖風船九隻大小鐵礮六位  
大小百子礮四十九位大小斑鳩礮六位大小鉛  
子四十個鐵心木礮一位鳥鎗二桿鐵彈二十七  
觔舊鉛鐵五十五觔火藥三十六觔有零挑刀三  
十枝長柄刀一百八十枝竹槍一百八十枝短刀  
一百三十四枝鐵尖挑刀五枝藤牌二十三面大

小鐵鍊十條并柴牌馬釵鐮刀串子等多件到縣  
情願投誠又據歸善縣知縣康傑稟獲殺賊投首  
尙未到縣先被拏住之曾亞發張尙標陳亞二古  
惟富四名又據署陽江縣知縣辛朝俊稟據海陵  
島司巡檢宋玉龍詳稱有麥亞荷等二十三名不  
甘從盜上岸投首併繳送雙桅船一隻大小生鐵  
礮五位火藥四十觔大小封口二十八個長挑刀  
二十二桿短刀六把竹扎槍十五枝手鎗二桿藤  
牌六面到縣又據順德縣紫泥司巡檢章予之稟  
有蛋民黃能滿投稱被盜吳亞北將伊夥伴七人

捉去又有鹽船上張亞晚等四人先被擄脅在船服役近因海口嚴密食米缺乏船泊山邊搶取番芋伊乘間逃回投首己先與被擄之夥約爲內應等語該巡檢章予之卽帶領弓兵縣差催船趕至香山橫門外令黃能滿做眼認遇賊船經張亞晚等望見先將賊船上大礮火藥推棄下水有兩賊拒捕被弓兵何鎮截傷落水隨將盜匪吳亞六等六名口擒獲併雙桅大船一隻餘剩鐵礮四門及認旗烏鎗挑刀各項器械稟解到省黃能滿張亞晚等共十一人俱不甘從賊報信到官兼爲內應

幫助獲賊實係立功投首又據順德縣知縣沈權  
衡稟報有投首之馮亞連柯亞保及難婦黃江氏  
三名口據供同何亞帶等八人被盜擄脅服役不  
甘乘夜商同將盜首蘇亞惠陳亞美殺死另有被  
禁之闕亞貴亦將賊首大礮複殺害分路散去伊  
等特來投首等語查大礮複係鄭一幫得力頭目  
據稱被闕亞貴等殺死實屬有功又據海豐縣鷺  
埠司巡檢徐維珩稟稱八月十五日五更時分正  
在巡查間忽見港口有大開波匪船一隻揚帆直  
入當卽會同守汛把總吳連高施放大礮匪船上

有李宗會蔡亞仁二名覓水登岸呈驗割取首級  
一顆據供船上男婦大小總共四十五名口因聞  
袁亞明投誠意欲同來不料老板與總管財富不  
肯因乘中秋節夜酒醉之時李宗會蔡亞仁等動  
手將財富洪亞洪夫婦並賊首亞選嫂總管亞保  
等殺死投首併繳大礮五門安南銅礮一門火藥  
二百四十餘筋器械藤牌紅旗多件等語查亞選  
嫂一船係鄭一股內大頭目作惡多年今得剪除  
實爲快事以上六起共投首人三百八十七名口  
臣等先後接據稟報查向來投首人等不過爲首



一二人到案其餘黨夥無人照料徑行分散或全夥到官而輾轉稟報候示爲日既久無人給發口糧旋復逃去併有奸惡胥役因其平昔爲盜藉詞嚇詐搜索貲財種種不協往往旣來者懷疑復去聞風者裹足不前是地方官不爲妥籌安插之方嚴立稽查之法雖有投首之名而盜賊有增無減有去無來於事仍鮮實濟海洋遼闊盜匪分幫嘯聚奔竄靡常約畧名數不下十餘萬人舟師卽上緊搜拏未必遽能悉數殲滅今能漸有向化之人其人心日就渙散正可乘此機會妥爲辦理今得

日就肅清現仍一面嚴督舟師上緊追勦務使各賊知畏威而來歸命益得迅速奏功是各賊肯於投誠實粵東辦理洋盜之一大轉機也臣身受

渥恩遇事不敢草率怠惰務竭心力求其至當此時立有章程奏請

聖明指示將來即可遵照辦理查投首各起內袁亞明一起人數較多一面飭沿路各文武嚴整防範併預派原任知府楊楷候補通判易萬里帶領委員等馳赴鮪門飭將招諭之客紳線人鄉勇人等優加獎賞各犯之家口婦女先令登岸居住嚴禁各地

方無賴爛棍及書差兵役人等不得乘機欺凌詐  
搶一面令其繳齊礮位將人口造冊點查其中有  
情願歸農者查明實有產業可以謀生及有親族  
可以依倚卽飭委差伴送酌給路費飭原籍地方  
官傳到親族鄰佑取結保領回家安業仍將收管  
送查備案其實在無業可歸者當下賞給資斧交  
該衙門充當壯丁夫役不時稽查均令一月一報  
務使實有安身之地不致再流爲匪本人所有衣  
物銀錢按名給還以資生理其有年力精壯情願  
入伍者賞給馬步名糧聽候轉發各營學習或隨

舟師出洋緝捕其因通信捕獲之盜匪吳亞六等  
六名口現飭解省審辦另行具

奏至袁亞明等或率衆投首或殺賊有功應請

皇上格外

天恩將袁亞明黃能滿張亞晚李宗會蔡亞仁賞給把總  
候補麥亞荷賞給額外外委候補以示鼓勵而樹  
風聲再此次獎賞銀兩併押送口糧各項需費均  
係臣自行捐給此後聞風而來者投首人數若多  
一應押送安插守候口糧應需銀兩爲數未能預  
計可否仰懇

聖恩俯准酌量每名各項費用准給銀十兩在於藩庫緝捕項下作正支銷俾有資本可以營贖庶投誠之後永爲良民不致再有反覆之患倘地方官藉此虛捏濫支及胥役侵漁詐索等弊立即嚴叅究辦至此項情願入伍之人臣親加撫諭看其情景感戴

皇仁實出至誠目下人數尙不爲多或將舵工水手得力之人分撥師船或散給各營入伍易於辦理將來如有大幫投首其中情願入伍者多難於安置再當妥細斟酌請

百遵行謹

奏

嘉慶十年九月十九日軍機大臣字寄奉

上諭那彥成等奏大夥盜匪投誠分別安置一摺據稱賊首袁亞明等六起共投首人三百八十七名口現飭將人口造冊點查其有業可歸者卽飭原籍地方官傳到親族鄰佑取具保領回家其無業可歸者交各衙門充當壯丁夫役其情願入伍者賞給名糧均發各營學習或隨舟師緝捕並請將袁亞明等分別賞給把總及額外委等語洋盜被拏窮蹙相率投誠自可貸其一死

但必須妥爲安置此等獷悍匪徒總宜散不宜聚該督等擬令交各衙門充當丁役殊未妥協若令人伍食糧則尤不可粵省綠營不肖兵丁本有私通盜匪之事今若令投首匪徒隸名營伍更得聲氣相通稽察不易設有調發緝捕難保其不透漏消息至袁亞明等賞給把總外委亦覺過優該匪等稔惡已久皆罪應誅戮之人今特以其悔罪自新曲加寬宥已屬格外恩施何得遽錫以官職該督等奏稱此後投首者每名賞給資斧銀十兩此尙可行該匪等原因衣食無資流而爲盜旣經投首自當量予加恩俾資養贍若名器則不可倖邀卽

硃

欲爲鼓勵招徠起見亦應令其當差出力如幫同緝捕等事著有微勞始可奏明賞給官職此時不必遽行拔補所有袁亞明等各起人口仍著那彥成等再行安插此等匪徒自來投首尚可容留斷不可存招撫之辭見而受反覆之灾禍總之勸勝於撫不可姑息安插使之四散而處可以日久相安方爲妥善

謹案嘉慶十年八月二十八日奏洋盜袁亞明

投首奏內

奏原任惠州府知府楊楷於惠州任內失察差役徐芳私通會匪一案部議革職留任該府熟習捕務勤幹有爲前於病痊之後查拏各路匪犯一百餘名此次袁亞明大幫投首係該守購線招徠辦理



甚爲妥協洵屬奮勉出力之員可否仰懇

聖恩准將部議革職留任之處予以開復又海豐縣警埠  
司巡檢徐維珩屢次拏獲盜犯蔡阿英鄭賢德傅  
亞友畢亮韜等各起多名曾辦理投首多名又順  
德縣紫泥司巡檢章予之緝捕出力屢次拏獲匪  
犯陳亞北馮亞就甄基彥甄亞妹等各起一百餘  
名均經審辦具

奏在案此次該二員又能殲擒賊首招撫多人亦屬  
能事應請以應陞之缺陞用又在籍候選知縣何  
天球前經幫同拏獲盜匪黃英拔胡清德鄧亞望

黎勝利等各起百餘名辦理團練與招撫各事宜  
極其出力查粵省海疆遼濶賊匪遍處皆有官兵  
不敷布置必須團結民力現在各路紳民或捐貲  
築臺築礮或力籌團勇或身任管約情形甚爲踴  
躍乘此爭先嚮義之時正應優請

恩施使知感荷

皇仁翦惡旌良以臻治理俟有實効再將出力之人查明  
彙奏外所有何天球一員可否先請從優賞給陞  
銜以爲標榜而示獎勵之處均出自

皇上天恩臣等未敢擅便謹

奏

謹案嘉慶十年九月十九日廷寄內奉

上諭知府楊楷緝捕出力所有前在惠州府任內失察差役私通會匪一案革職留任處分著加恩准其開復巡檢徐維珩章予之屢經獲盜此次辦理招撫多名均著加恩以應陞之缺儘先陞用在籍候選知縣何天球辦理團練出力著加恩賞給六品陞銜以示鼓勵

嘉慶十年九月初二日

奏爲接奉

批諭及續獲水陸盜匪並勾通接濟之土匪恭摺奏

聞事竊

臣

前於審辦洋盜一摺奉

旨申飭並交部議處當經欽遵分案具

奏茲於拏獲盜匪摺內

臣

等欽奉

批諭以所奏獲盜犯五百餘名尙未詳敘供詞仍欲俟審明後并案奏聞希圖簡便傳旨申飭欽此查獲犯五百餘名係據文武初報具奏雖俱有羈供但尙未解省審定是以不敢遽錄入

告今蒙

訓示提撕

臣

等聲敘不明之罪無可置辯跪讀之下愈增

惶悚緣

臣

等欽遵屢次

指授機宜嚴督文武多方設法認真辦理半年以來已具  
奏獲犯一千四百五十餘名口臣等仍一面督兵  
打仗一面上緊緝捕自前次奏報後又據各屬陸  
續稟獲外洋內河盜匪三百二十名口陸路各匪  
一百零八名接濟匪犯七十七名通共五百零五  
名口現在飛飭各屬提犯赴省作速審辦俟定讞  
後遵奉

諭旨各歸各案分晰具

奏斷不敢希圖簡便稍涉草率以期仰副我

皇上慎重刑名詳審讞獄之至意謹

奏奉

硃批覽

嘉慶十年九月初二日會同廣東巡撫孫公玉庭  
奏爲搜捕盜巢及擒獲洋匪多名事竊粵東濱海地方  
皆有盜船停泊之所而大幫匪船倚爲巢穴之固  
則惟吳川屬之廣州灣爲尤著該處有井泉可供  
汲飲港澳可避風濤西近湛川北接赤坎皆有米  
糧足資接濟乘東風之便則直趨瓊州西南風起  
則徑向東中兩路游劫得利又復歸泊而盜首鄭  
一吳十一指烏石二等皆係附近之人夥黨勾結

根株蔓衍極爲盤固

臣

那彥成到任之後細加訪

察具悉情形若非痛加勦洗絕淨根株不足以靖

盜源當卽一面劄委原任知府陳鎮馳赴赤坎等

處截其米糧出口要路仍一面劄委左翼鎮林國

良督帶署香山協副將許廷桂海口營叅將何英

以及叅遊都守委員等配駕兵船八十餘號前往

搜捕又咨行提

臣

厚積兵力就廣洲灣西北兩岸

屯紮以防盜匪情急遁竄並飭高雷兩府督同吳

川遂溪兩縣派勇守卡遇有逸盜上岸協力擒拏

茲據該鎮等稟報於七月十三日寅時行抵廣洲

灣洋面望見盜船密布灣口見兵船將近卽開礮  
拒捕該鎮等督率兵弁向前開礮攻擊正在對敵  
之際灣內又駛出盜船數十隻前來接應合力拒  
抵官兵奮勇施放連環鎗礮自卯至午擊沉盜船  
七隻賊匪紛紛落海箭射石擊全行被浪捲沒官  
兵勇氣百倍追捕益力拏獲賊船三隻仍竭力前  
追直抵硃洲外洋有賊船二隻被兵船攏近拋擲  
火器立時焚燒賊衆投海者無數又拏獲大開波  
一隻大快艇一隻先後共生擒男婦七十九名口  
大小鐵礮二十六門旗幟刀鎗九十餘件其餘賊



殊殊

船舍命向大洋四散奔逸時將日暮風勢狂亂陡起颶風不敢窮追卽收入廣洲灣港內見兩岸搭蓋草寮半係賊黨接濟米糧銷售贓物之所又沙坡上有空船數十隻擱淺修整徧搜並無人迹所有空寮空船盡屬盜物卽令全行燒燬自近年來廣洲灣久爲賊據經此次痛勦方得掃清查本日陣亡兵丁四名重傷弁兵水手十四員名輕傷弁兵水手二十四員名又據派在廣洲灣各隘口截拏逸匪之吳川營都司歐鳳鳴海康縣高經祥硃洲巡檢周璉把總竇振龍東陽巡檢王汝琦先後

各部賜卹

此舉尙屬奇勲

殊

奔竄隨據龍門協副將舒萬年稟二十六日突有

可恨

匪船四十餘隻攻打龍門經該副將督率弁兵奮

殊

勇擊退而對岸之牙山礮臺孤懸海中詎該匪船  
阻拒水道使龍門於牙山隔斷不能救援乘夜將  
礮臺攻破放火焚燒守臺千總林鳳高兵丁羅萬  
貴等三十餘名拚命拒敵俱被圍劫又稟盜首鄭  
能發之母妻在羅浮僻處藏匿經東興汛守備李

硃

名桂拏獲解至中途被匪衆奪回並擄去守備一員將營房燒燬外委陳孔惠被賊各等情前來查龍門屬欽州治所地處極邊遠在海外臣等接閱之下卽飛飭新任高州鎮總兵樊雄楚由陸路海口營寨將吳英由海道星速前往會同該協舒萬年水陸兜擒並飛咨提臣就近督捕又劄委廉州府張世偉署高州府唐錞馳赴該處嚴拏併查明被劫情形與弁兵下落及有無延燒民房妥爲撫恤俟稟覆到日再將疎防各員據實叅

奏

臣等正在籌辦間又據電白縣盛植才稟距縣城十

硃

里之興平港外土名放鷄洋面有匪船百餘號在彼遊奕港內現泊有配足引鹽尙未開行之船百餘號該匪意圖搶劫當卽會同場官營員督帶兵役鄉勇分頭防範詎七月二十一日午刻盜船已抵港外衙尾直進臺汛弁兵開礮轟擊該匪等亦放礮抵拒場官姚鈞楊星耀隨又分給各鹽船礮火烏鎗曉以同仇大義齊心協力互相救援維時各船無不奮勇鎗礮齊發擊壞匪船一隻各匪船仍換幫駛進並放三板入港相持至申刻又擊壞匪船二隻先後斃賊數十人生擒三板內陳亞八

一名賊船始退出港外是夜大風忽起至二十二

日午刻始息賊匪仍駕三板進港經該縣等督同

把港各船戶及兵勇擊壞數船斃賊百餘生擒賊

匪十餘名各匪船至夜始退二十三日辰刻大小

匪船百餘號不避鎗礮蜂擁直入聲稱報復內有

大開波船數號勢甚凶橫因距城甚近典史楊鏊

將守城大礮十尊趕運至天鵝墩對准賊船分挑

施放擊中數隻賊勢稍怯忽賊船火發烈焰漲天

延燒匪船官弁督率兵勇乘其慌亂連發鎗礮賊

匪竄逃溺死者無數其不及出港者卽棄船登岸

硃

硃

官弁兵勇分路截捕拏獲安南二等並前所獲共  
一百六名口二十四日早瞭望匪船駛出蓮頭外  
洋據高州府杜安詩稟該府於二十六日趕至直  
白提督亦由吳川到來會同分派各員把守要路  
二十七日港外仍有盜船往來遊奕二十八日午  
後該匪駕三板乘潮進港經興平山天鷲墩等處  
放礮擊退至戌刻該匪等乘天色昏黑將船駛進  
蓮頭約有七八十人持械登岸卽督率兵勇奮力  
堵禦傷斃盜匪多名生擒陳維紀等十六名餘皆  
奔回匪船逃逸各等情等以盜匪情急圖食東

硃

孫

西奔竄意圖搶劫雖據各該處文武竭力拒退前後獲犯二百數十名然盜首及夥匪均未全行就獲現在飛飭舟師作速擒剿以靖海疆再廣洲灣向係盜窩今經廓清亟應妥立章程以弭後患而附近隘要處所亦應逐一料理妥善方爲一勞永逸之計查有東海地方與廣洲灣遙對方圓約計百數十里土地衍沃烟戶稠密內中居民通盜者十居八九向設巡檢一員職微任重呼應不靈擬移駐叅遊營頭庶聲勢壯盛可以遙相控制又可與硃洲營爲犄角之勢其麻斜渡激沙渡舖仔墟

白鴿寨暗舖墟等處均係瀕海要區應令添建礮臺營汛移駐文員以資防範彈壓現委署高州府唐錚前往踏看情形妥議章程俟<sub>臣</sub>等再與通省熟悉情形之員悉心酌定後再行

奏請

訓示遵行至電白興平港向爲鹽船聚泊之所盜匪素所垂涎今圖劫未成恐後復有滋擾之事且距該縣城甚近亦應相度形勢添建礮臺爲有備無患之計謹

奏



嘉慶十年九月十五日軍機大臣字寄奉

上諭那彥成等奏搜捕盜巢及擒獲洋匪多名一摺粵東洋匪嘯聚日久此次經該督等督率官兵於廣洲灣洋面奮力攻捕擊獲船隻器械擒殲多名將兩岸草寮燒燬掃清所辦尙屬奮勉惟該匪等失所依據竟敢駛船攻打龍門將守礮臺官兵圍劫其盜首鄭能發之母被守備李名桂拏解時匪衆膽敢於中途奪回並將該守備擄去又興平港外洋面盜船經弁兵用礮轟擊該匪始而放礮抗拒旋即蜂擁直入聲稱報復又連頭地方亦復有七八十人持械登岸看此情形竟與叛逆無異

可恨之極似茲到處散竄勢較猖獗不可不大加懲創  
雖經該督等認真督捕業將廣洲灣賊巢掃盪但匪夥  
勾結蔓衍必須兜圍勦捕以淨根株那彥成等竟當調  
集精兵遴派出色營員帶領於水陸要隘設法圍截痛  
爲殄除方足以靖海洋如帶兵乏員卽奏明請旨簡發  
其有實在出力者准令據實保奏越次超遷須同心協  
力上緊籌辦不可稍涉踈懈所有廣洲灣捕盜陣亡之  
兵丁四名著查明咨部賜卹守備李名桂現在有無下  
落著那彥成等確切查明如係被賊戕害卽與被戕外  
委陳孔惠一併咨部賜卹至龍門礮臺千總林鳳高兵

丁三十餘名被盜圍劫後是否被戕該弁兵等現在有無下落並著查明覆奏其場官姚鈞楊星耀典史楊鏤運給軍火礮位尙屬出力應如何各加獎卹之處並著該督等酌量保奏候朕施恩

嘉慶十年九月初五日

奏爲遵

旨將審辦盜匪各歸各案分晰定擬仍行馳奏事竊臣前將審明洋盜通盜濟匪各犯分別辦理聲明彙摺奏

聞茲於八月二十六日接奉

諭旨以臣心存憚煩任意更改舊章著傳

旨中飭併交部議處仍將各案發還另辦再奏欽此臣跪

讀之下感激惶悚聞

命自

天置身無地伏思臣久依

禁近親見我

皇上日理萬幾從不稍憚煩勞最爲真確卽臣世受

重恩身任總督分應殫竭心力勉圖報稱亦不應稍憚煩

勞乃至糊塗冒昧以路遠而妄希簡便雖愚忠愚

孝未有他心而錯謬之罪已無可解

皇上卽嚴行懲治立賜罷斥尙恐不足蔽辜茲蒙

聖恩曲加寬宥僅予申飭交部議處臣實不勝感極涕零

嗣後惟當痛自刻責加勤加奮以仰副

訓誨成全之至意此次原辦洋盜通盜濟匪奏件謹遵

旨覈明各歸各案分晰定擬繕齊一併馳奏外至續發彙

奏辦理盜犯胡榮奉吳亞空等各案亦應更正仍

逐一覈辦隨後補

奏謹

奏奉

硃批知道了

那文毅公兩廣總督奏議卷十二